



Wardacosta di
Caribe lo haya
cutternan nobo

Dialuna 16 di Maart 2026 www.bondia.com Email: noticia@bondia.com Tel: 582-7800 Fax: 582-7044 1,75 Florin

Diferencia di interpretacion a marca discusion entre ministerio di Finanzas y ARA



Pagina 3

- **Indicadornan
monetario y turistico
di Aruba ta musta
crecimiento continuo**

Pagina 4

- **King Ocean ta
anuncia aumento
drastico pa gasto di
transporte pa islanan
ABC**

Pagina 2

- **Reunion di accionista
di FreeZone Aruba ta
indica cu atrobe lo tin
ganashi**

Pagina 6

Debe di gobierno na banconan di Aruba a disminui significativamente



Pagina 5

Rusia ta presenta caso penal contra Hulanda
pa 'ladroncia' di Oro di Crimea



Pagina 9

Maria Corina Machado ta denuncia
amnistia selectivo



Pagina 11

King Ocean ta anuncia aumento drastico pa gasto di transporte pa islanan ABC

Aruba mester prepara pa efecto pisa riba inflacion

Aruba pero tambe Corsou y Boneiro mester prepara pa aumento drastico den prijs pa comustible. King Ocean cu ta e unico compania cu ta provee e servicio di carga pa nos paisnan a caba di anuncia aumento drastico di prijs pa transporte.

Entrante 12 di April, prijs pa transporta container lo ta casi cuater biaha mas caro. E prijs pa un container di 20 pia lo subi di 200 dollar Mericano pa 700. E costo pa un container di 40 pia, lo aumenta di 400 dollar pa 1400 dollar. Tur e prijsnan incluso e prijs pa meter cubico lo conoce aumento drastico. E impacto riba prijs lo ta grandi.

Comerciante Stephen Daal a reacciona riba su pagina social, cu e aumento aki no nifica cu prijs pa flete ta subi cu 300 por ciento sino cu por ehempel e Bunker Surcharge ta subi cu 250 por ciento pa un container di 40 pia. "Esaki ta desboca den un subida di flete di mas o menos 25.4 por ciento pa un container di 40 pia," Daal a ilustra.

E asina yama Bunker Surcharge, tambe yama Bunker Adjustment Factor, BAF, ta un gasto adicional, pero cu no ta fiho cu companianan di carga por cobra pa contraesta aumento drastico y diripiente di prijs di combustibel.

Bunker ta e termino pa e azeta pisa cu ta usa pa barconan grandi, Como cu combustibel ta un di e costonan di operacion mas grandi pa barconan di container, companianan ta usa BAF pa pasa e variacion di costonan riba nan clientenan enbez di absorba nan.

E aumento anuncia aki, ta bin banda di gastonan cu King Ocean a aumenta caba, cu ta inclui e aumento di prijs



general cu a drenta na vigor na Januari 2026, ademas di otro cobranzanan adicional, entre otro pa uso di terminal na 2025. E aumentonan aki a afecta primeramente e rutanen entre Merca y Caribe, Centro America y Sur America.

Aumento di gasto di combustibel mester ta anticipa. E ta den liña cu e realidad rond mundo, cu ta mira aumento drastico den prijs debi na e conflicto na Medio Oriente. Y no por exclui e impacto di e atake riba Venezuela tambe tin su influencia pa aumento di riesgo pa transporte maritimo den e region Caribense.

Pues, ademas di aumento di prijs di petroleo, tambe tin aumento di prijs pa seguro. Un analisis ta muestra cu prijs di seguro maritimo a subi drasticamente, particularmente pa e bapornan cu mester pasa den e Strait of Hormuz, cu ta un ruta principa pa energia. E aumento aki lo conduci na presionnan inflatorio halto.

"A observa aumento di mas

di mil por ciento den algun instancia. Seguro contra riesgo di guera ta brinda un siguridat critico pa doñonan di bapornan cu ta confronta potencial daño pa motibo di conflicto of terrorismo.

Tipicamente ta mara e seguro a base anual, pero algun ta aplica pa un solo jornada den areanan peligroso.

Es mas, companianan di seguro a anuncia cu no sin mas ta sigura bapornan cu ta nabega den zonan di riesgo, entre otro pasobra e ta mucho caro awor pa sigura un carga biyonario.. Un bapor di carga moderno cu capacidad di ocho pa 10 mil container ya caba ta costa como 100 milyon euro, y e carga a bordo hopi biaha tin hasta mas balor, y hunto e balor por ta riba un biyon euro. Gran mayoria di carga rond mundo ta sosode via lama, un total di 90 por ciento. E resto di 10 por ciento ta transporta pa avionnan di carga.

E mercado di seguro pa bapornan di carga ta determina na Londres, pa Lloyd's,

unda ya caba a registra aumentonan drastico di e prijs di seguro particularmente pa e bapornan cu ta nabega den e zona di conflicto. E impacto sinembargo ta global. Ademas, mester bin cambio di logistica pa responde na e risiconan. Tin como 100 bapor Hulandes den e zona di Medio Oriente cu mester busca mas seguro y rutanen alternativo.

Mas ainda, tambe mester busca alternativa unda pa baha e containernan, cu tambe ta trece gastonan grandi cu n'e y cu tambe lo tin impacto riba economia global.

Segun economista Rendell de Kort, no mester descarta cu companianan di seguro ta parti e riesgo y prima pa otro rutanen tambe. Ademas, particularmente e ruta ABC a conoce risiconan ora cu Merca a ataca Caracas y a bay cu Nicolas Maduro. Hecho ta keda cu sea ta pa aumento di gasto di combustibel of seguro, e presion inflatorio ta bay ta hopi grandi.

"E impacto di 25 por ciento

(segun analisis di Stephen Daal) ta un aumento nificante." Daal den su comentario a urgi Gobierno pa mitiga e aumento aki cu bahada di tarifa di importacion y BBO na frontera, ademas di elimina e cobranza di tarifa di importacion y BBO basa riba e asina yama 'CIF waarde' (Cost Insurance and Freight).

"Di con un importado mester paga e impuesto riba seguro y flete mes? Esaki ta un robo oficial cu a cuminsa tempo cu paisnan Benelux a uni riba varios tema economico," Daak a sigui bisa. Como cu e tempo ey, e decision tabata conta pa Antias Hulandes tambe, Aruba a sigui cu e sistema ey tambe.

Segun de Kort, e coreccion ey lo ta bon pa tene na cuenta. Tambe por revisa e manera cu ta calcula e impuesto pa ora e prijs subi, cu e no ta haci e shock pio. "E ta un bon topico pa atende cune den combersacion pa reforma fiscal. Nan ta combersacionnan riba cambionan structural cu consecuencia permanente. Pero mester separa e discusion ey di kico ta bay haci awor."

De Kort a enfatisa cu awor mester bin un contesta riba e crisis awor y kico ta sensato a termino largo. "E shock ta externo y temporal. Gobierno ademas tin espacio fiscal limita. E no ta yuda pa drecha e shock temporal aki cu un contesta structural. E consecuencia por ta un buraco den presupuesto cu no ta brinda espacio pa maneha cualkier otro shock cu ta bin despues."

King Ocean tin e monopolio riba e ruta Merca pa islanan ABC. Aruba Fair Trade Authority, AFTA a analisa e posicion monopolista di e compania aki y e posibilidad pa mas compania participa na e ruta, na interes di e consumidor.



Diferencianan di interpretacion a marca discusion entre ministerio di Finanzas y ARA riba cuenta anual 2020

Minister di Finanzas a emiti un contesta formal riba e resultadonan di e audit di e cuentanan anual di Aruba di 2020, despues di e entrega di e concepto di rapport door di Algemene Rekenkamer Aruba (ARA). E intercambio entre e ministerio y e organo di supervision independiente ta subraya interpretacionnan diferente pa loke ta trata practicanan di maneho financiero, e cuadro legal cu ta regla fianza, y e estructura di e presupuesto nacional.

E correspondencia a forma parti di e fase final di e proceso di auditoria. Despues di a termina su investigacion riba e estadonan financiero di 2020 di e pais, ARA a brinda e minister e oportunidad pa duna comentario riba su conclusion y recomendacionnan prome cu publicacion di e rapport final. E minister a entrega su contesta dia 27 di februari 2026.

Un di e asuntonan central cu ARA a lanta ta concerni cambionan den e estructura di e presupuesto nacional introduci na 2020. Segun e auditorianan, e presupuesto a ser prepara na un nivel mas halto di agregacion—agrupando gasto y entradanan den categorianan mas amplio pa ministerio. ARA a conclui cu e cambio aki a reduci transparencia y a limita e habilidad di Parlamento pa conecta obhetivonan di politica cu alocacionnan di presupuesto.

Den su contesta, e minister di Finanzas a rechasa e afirmacion cu e conexon entre politica y cifranan financiero a ser debilita. El a reconoce cu e nivel di autorisacion di e presupuesto a ser agrega pero a argumenta cu e relacion entre politica y calculacionnan financiero a keda intacto. Segun e minister, e conexon aki avor ta aparece principalmente den e seccionnan di splicacion cu ta compaña e calculacionnan di presupuesto enbes di dentro di e cuadro di autorisacion formal mes.

E minister a declara mas aleu cu e vinculo entre alocacionnan di politica y financiero nunca no tabata optimal bou di e sistema anterior. Den su bista, e transicion pa un modelo di presupuesto basa riba politica tin como meta pa crea un aliniacion mas cla y mas efectivo entre accionnan di politica y autorisacionnan di

presupuesto den futuro.

Tambe el a defende e restructuracion mas amplio di e presupuesto como un paso den direccion di modernisacion. E nivel di agregacion mas halto, el a bisa, a produci beneficionan practico manera reduccion di peso administrativo y haci'e mas facil pa entrega e presupuesto nacional na tempo.

Un otro punto significant di suspension entre e dos institucionnan ta concerni varios fianza contrata pa gobierno na 2020. ARA a identifica iregularidadnan relaciona cu e autorisacion legal necesario pa cierto fianza y emision di obligacion. En particular, e rapport a conclui cu un fianza internacional y varios emision di obligacion di gobierno no tabata cumpli completamente cu e provisionnan relevante di e Comptabiliteitsverordening (ordenansa di finanzas publico) di 1989.

E minister tabata parcialmente di acuerdo cu e resultadonan di e audit, reconociendo cu un fianza por ser considera iregular pasobra el a ser conclui bou di un acuerdo di derecho priva. Sinembargo, el a disputa e clasificacion di cuater emision di debe como ilegal. E minister a argumenta cu e disposicion legal cita pa e ARA — articulo 22 di e ordenansa financiero—ta conta solamente pa acuerdonan di derecho priva. Di acuerdo cu e interpretacion di e ministerio, emision di debe di gobierno ta cay bou di derecho publico y ta ser goberna pa legislacion separa relaciona cu papel di tesoro.

E diferencia aki den interpretacion huridico ta ilustra un debate mas amplio tocante e aplicacion di legislacion financiero den situacionnan caminda instrumentonan di fianza di gobierno ta combina elementonan di derecho financiero publico y priva.

Tambe e minister a atende critica pa loke ta trata e calidad di e estadonan financiero di 2020. ARA a conclui cu mientras cu a haci progreso den mehoracion di e proceso di raportahe, e calidad general di e cuentanan a keda bou di e norma desea.

Como contesta, e minister a señala cu e auditorianan no a duna un punto di referencia cla pa evalua e calidad di e notanan di splicacion den e estadonan

financiero. El a sugeri cu tur partido relevante mester traha pa establece puntonan di referencia y criterionan di evaluacion acorda pa evalua e calidad di e reportahe financiero.

Mas aleu el a señala cu, banda di e cuentanan anual oficial, gobierno a prepara un relato financiero special basa riba un sistema di contabilidad separa. E rapport a duna un bista di e resultadonan financiero operacional y a ser revisa pa un accountant externo, kende a emiti un declaracion di aprobacion pa e cifranan presenta. E minister a describi e desaroyo aki como un paso positivo pa fortalece responsabilidad financiero.

Den un seccion di conclusion di e rapport, e ARA a contesta e comentarionan di e minister. E organo di supervision a gradici e minister pa su reaccion detaya pero a señala cu e contesta no a atende e recomendacionnan contene den e auditoria. Di acuerdo cu ARA, ta importante pa lectornan di e rapport—incluso esunnan cu ta traha politica y legisladornan—pa compronde con e gobierno tin intencion di implementa e mehoracionnan sugeri.

E auditorianan tambe a aclaria cu e declaracion di aprobacion di e accountant cita pa e minister ta conta solamente pa un componente specifico di e relato financiero. E revision externo tabata limita na e exactitud di cierto especificacionnan financiero relaciona cu e resultado operacional y servicio di capital. E no a duna un opinion riba e completitud di e estadonan financiero completo of riba e efectividad di sistemanan di control interno.

Pa motibo debilidatnan estructural persistente den maneho financiero y procesonan di control interno, tanto e Servicio Central di Contabilidad di gobierno como ARA no por a haci auditnan amplio di e cuentanan anual pa algun tempo. Corte a enfatisa cu e existencia di un declaracion positivo tocante un componente di e informacion financiero no mester crea e impresion cu henter e set di cuenta ta cla pa un aprobacion completo di auditoria.

Pa loke ta trata e legalidad di e prestamonan, ARA a reitera cu su analisis a enfoca estrictamente riba cumplimiento cu



e disposicionnan legal aplicabel. E no a evalua e validez di derecho civil di e acuerdonan di fianza mes.

ARA a reconoce e circunstancianan extraordinario den cual hopi decision financiero a ser tuma na 2020, particularmente durante e inicio di e pandemia di COVID-19. No obstante, e auditorianan a señala cu documentacion ta muestra cu e autorisacion pa cierto fianza no tabata suficiente formula caba durante e preparacion di e concepto di presupuesto—prome cu e pandemia a cuminsa.

ARA a señala tambe cu e presupuesto complementario despues a inclui un referencia explicito cu ta permiti fianza mas largo cu cinco aña “den desviacion di” e articulo relevante di e ordenansa financiero. Di acuerdo cu e auditorianan, e adicon aki ta sugeri cu e legisladornan mes a reconoce e relevancia di e articulo pa e tipo di fianza ey.

Mientras cu emision di fianza por constitui decisionnan di derecho publico, ARA a splica cu nan ta crea obligacionnan financiero ainda—manera pago di interes y compromisonan di pago back—cu ta afecta e presupuesto nacional directamente. Como resultado, autorisacion cla y na tempo den e legislacion di presupuesto ta keda esencial.

ARA tambe a bolbe riba e tema di transparencia di presupuesto. Mientras cu e ta mira e introduccion plania di presupuesto basa riba politica como un desaroyo positivo, e institucion a enfatisa e importancia di envolver Parlamento den determina con e presupuesto mester ta structura.

Segun e auditorianan, Parla-

mento mester dicidi ki nivel di transparencia ta necesario pa eherce su autoridad di presupuesto constitucional di forma efectivo. Si e conexon entre obhetivonan di politica y alocacionnan financiero ta aparece solamente den documentonan splicativo enbes di den e presupuesto legalmente vinculante mes, esaki por limita e habilidad di legisladornan pa eherce supervision.

P'esey ARA a enfatisa cu un vinculo reconocible entre metanan di politica y cifranan di presupuesto mester keda visibel dentro di e cuadro di autorisacion di e ley di presupuesto. Pa logra e balansa aki ta rekeri coordinacion cuidadoso entre transparencia, supervision parlamentario, y e grado di flexibilidad di politica otorga na ministernan.

E intercambio entre ministerio di Finanzas y ARA ta subraya e esfuersonan continuo pa fortalece e sistema di maneho financiero publico di Aruba. Tur dos instancia ta reconoce cu mester haci mehoracion den e proceduranan di presupuesto, mecanismonan di autorisacion legal, y e calidad di e reportahe financiero.

Na mesun momento, nan contesta ta revela diferencianan den interpretacion pa loke ta trata legislacion existente y e miho caminda pa modernisacion di e cuadro di presupuesto. Segun Aruba ta sigui reforma su sistemanan di planificacion y control y ta busca pa produci estadonan financiero completamente auditabel den e proximo añanan, ta premira cu e dialogo entre gobierno y institucionnan di supervision lo keda central den e proceso di mehoracion di transparencia y responsabilisacion den finanzas publico.

Indicadornan monetario y turistico di Aruba ta muestra crecimiento continuo na comienso di 2026

E ultimo tabelnan estadistico mensual publica pa Centrale Bank van Aruba (CBA) ta duna un bista di e condicionnan economico y financiero di e isla drentando 2026, subrayando crecimiento continuo den actividad turistico, un oferta di placa cu ta expande, y nivelnan di inflacion relativamente stabiel. E datonan ta compila un rango di indicadornan economico incluyendo agregadonan monetario, entrada di gobierno, rendimiento di turismo y prijsnan di consumidor.

Segun e rapport, e oferta di placa amplio (broad money) di Aruba a yega Afl. 6.91 biyon na januari 2026, reflehando expansion continuo den e base monetario di e pais compara cu añanan anterior. Placa amplio—cu ta inclui moneda den circulacion, depositonan na demanda, cuentanan di spaar y otro depositonan—a muestra un trayectoria creciente constante for di 2022, ora e tabata na aproximadamente Afl. 5.54 biyon. Pa fin di 2025 e cifra a subi na Afl. 6.76 biyon, indicando un crecimiento gradual den likides dentro di e sistema financiero.



E aumento den placa amplio a ser sostene pa factornan tanto domestico como externo. E activonan domestico neto y e activonan stranhero cu e sistema monetario tin, tur dos a subi durante e ultimo añanan. En particular e activonan exterior netto a subi na Afl. 3.74 biyon na 2025, subiendo for di Afl. 3.28 biyon na 2024, reflehando fluhonan mas fuerte di fondonan externo den economia.

Den e sector bancario, depositonan y credito ta sigui representa componentenan clave di actividad financiero. Depositonan di demanda y otro categorianan di deposito colectivamente a contribui na un oferta di placa di mas cu Afl. 4.09 biyon na januari 2026, mientras cu quasi-placa—principalmente spaar y depositonan di tempo—a conta pa

mas o menos Afl. 2.81 biyon. E distribucion aki ta enfatisa e rol significativo di depositonan di cas y negoshi den e sistema financiero di e pais.

Credito na sector priva tambe ta keda un impulsor grandi di desaroyonan monetario. E demandanan riba e sector priva, cu ta inclui fianza na empresa y personanan, a sigui subi durante añanan recien. Pa 2025, e claimnan di sector priva a suma mas cu Afl. 4.69 biyon, reflehando actividad di prestamo sosteni den areanan manera credito na consumidor y hipoteek di vivienda.

E balansa consolida di CBA ta muestra cu e activonan total di institutonan cu ta crea placa a yega mas o menos Afl. 12.34 biyon na 2025, subiendo for di Afl. 11.13 biyon na 2024.

Activonan stranhero, incluyendo propiedadnan di oro y otro reservanan externo, a conta pa un porcion significativa di e totalnan aki. Na januari 2026, activonan di exterior cu e sistema monetario tabata den man a subi te na mas o menos Afl. 4.78 biyon, loke ta indica acumulamento continuo di reservanan internacional.

Datonan fiscal di gobierno den e rapport ta muestra cu e entrada total di gobierno a aumenta durante e ultimo varios aña, aunke cifranan mensual ta fluctua. Entrada total a subi for di Afl. 1.31 biyon na 2022 pa Afl. 1.90 biyon na 2025, impulsa pa gran parti pa cobranan di belasting mas halto. Impuesto riba entrada y ganashi, impuesto riba mercancia, y impuesto riba omzet tur a contribui na e tendencia di subida.

Impuesto riba servicio, incluyendo impuesto riba camber di hotel y gastonan di licencia di wega di placa, tambe a crece segun cu actividad turistico a expande. Impuesto riba camber di hotel en particular a aumenta significativamente durante e ultimo añanan, reflehando cantidad di bishitante y nivelnan di ocupacion mas halto den henter e sector di hospitalidad di e isla.

Turismo ta keda un pilar central di economia di Aruba, y e ultimo cifranan ta muestra crecimiento continuo den yegada di bishitante y gastonan turistico. Na 2025, Aruba a registra 10.31 miyon anochi di bishitante y 1.52 miyon bishitante total, marcando otro aumento anual compara cu 2024. Creditonan di turismo—un indicador di ganashi di divisa for di turismo—a yega Afl. 4.56 biyon na 2025, subiendo for di Afl. 4.19 biyon den e aña anterior.

Merca ta sigui representa e mercado di fuente mas grandi pa bishitantenan. Na 2025, mas cu 1.09 miyon bishitante for di Merca a biaha pa Aruba, loke ta conta pa mayoria di e yegadanan for di Norte America. Latino America y Europa tambe ta keda mercadonan importante, aunke riba un escala mas chikito compara cu Norte America.

Cifranan trempan pa 2026 ta sugeri cu crecimiento di turismo a sigui den e aña nobo. Na januari 2026 so, Aruba a registra mas cu 1.06 mi-

yon anochi di bishitante y 136.578 bishitante. Turismo crucero tambe a keda activo, cu 138.059 pasahero crucero a yega durante e luna.

Ademas di e aumento di actividad turistico, e datonan ta indica cambionan gradual den diversificacion di mercado. E indice di diversificacion di turismo—cu ta midi e concentracion di mercadonan di origen di bishitante—a baha di 0.61 na 2022 pa 0.53 na 2025, loke ta sugeri un aumento modesto den diversificacion bou di e fuentenan turistico di e isla.

Inflacion, manera midi pa e indice di prijs di consumidor (CPI), a keda relativamente suave den añanan recien. Despues di un periodo di inflacion mas halto na comienso di e decada, aumento di prijs a baha significativamente. E indice di CPI a alcanza 109.5 na 2025, representando solamente un aumento di 0.4% riba e aña anterior, y e tasa di inflacion di 12 luna tabata na 0.1%.

E moderacion den inflacion ta sigui un periodo di crecimiento di prijs mas fuerte na 2022, ora cu prijsnan di consumidor a aumenta cu 5.7% aña tras aña. Desde e tempo ey, inflacion a baha gradualmente, reflehando condicionnan economico estabilisando y amentonan mas slow den prijsnan di consumo.

En general, e tabelnan estadistico di januari 2026 ta indica cu economia di Aruba ta sigui beneficia di demanda fuerte di turismo y expansion constante di sector financiero. Crecimiento den e oferta di placa, aumento di entrada di gobierno, y aumento di entrada di turismo ta subraya e naturalesa interconecta di e sectornan economico di e isla.

Mientras cu e datonan ta duna un bista di e tendencianan recien enbes di un perspectiva economico completo, nan ta sugeri cu e impulsornan clave di economia di Aruba—turismo, actividad financiero y entradanan externo—ta keda robusto na comienso di 2026. Segun cu datonan adicional pa e aña ta bira disponibel, esnan cu ta traha politica y analistanan lo sigui monitoria e indicadornan aki pa evalua e sostenibilidad di tendencianan economico actual.




Caribbean Speed Printers N.V.

Relaciona cu celebracion di
Dia di Himno y Bandera

Ta participa cu **NO** lo tin edicion regular di **Bon Dia y Aruba Today** riba diaranson 18 di maart, 2026.

Pa e motibo aki ta haci un suplica na tur esunnan cu ta desea di publica aviso den **Bon Dia y Aruba Today** pa diahuebs 19 di maart pa por favor email: aviso@bondia.com

Gerencia



Pabien Aruba!

☆ 50 aña celebrando
Himno y Bandera

Editor

Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #13307728

Operations Manager

Mariette Engelhart-Boekhoudt

Redaccion

noticia@bondia.com

Pilar Flores (hefe di redaccion)
Angenette Figueroa (closer editor)

Leo Maduro
Dilma Arends
Raisa Montilla
Oriana Geerman

Ehecutivo di Benta

Sulaika Croes
sulaika.croes@cspnv.com

Mark Gomes
mark.gomes@cspnv.com

Aviso y Arte

Sandra Loefstop

Lisa Tromp

Departamento Digital

Juan Luis Pinto

Administracion

accounting@bondia.com

Martha Arteta de Ariza

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)
Pablo Libre

Press

Roland Schenker (Hefe)
Omar Ramirez
Martin Boekhoudt
Francis Dirksz

Colaboracion

Associated Press

Ret Karibense

Data Key

Afiliacion

Sociedad Interamerica
di Prensa (SIP)

DIRECCION

Adres: Weststraat #22
Tel: 582-7800

Email: noticia@bondia.com
aviso@bondia.com
info@bondia.com

Website: www.bondia.com
Facebook: @bondianoticia
Instagram: bondiaaruba

BON DIA ARUBA ta un corant redacta y imprimi na Aruba y ta obenibel di dialuna te cu diasabra. Ningun contenido por wordo reproduci sin permiso di editor.

Debe di gobierno di Aruba na banconan a disminui for di 353 te na 4.8 miyon florin

Gobierno di Aruba a reduci su debe na e sistema di banco domestico di manera significativo durante e ultimo añanan. Esaki, segun medianan local, ta evidente for di cifranan cu ta representa e gobierno su posicion financiero.

Den 2022, gobierno su debe na Banco Central y banconan comercial tabata yega un total di 353 miyon florin. Den 2023, e suma aki a disminui pa 234 miyon florin y den 2024 na net un poco mas cu 208 miyon florin. Den 2025, e debe a baha mas ainda te na net menos cu 56 miyon florin.

Pa comienso di 2026, e cifra aki a mehora atrobe. Segun e cifranan, den januari solamente 4.8 miyon florin di debe a keda.

Na mesun tempo, un cantidad creciente di placa di gobierno ta den cuentanan na Banco Central.

Na fin di 2022, gobierno tabatin mas di 24 miyon florin



den su cuenta. Pa fin di 2025, e cantidad aki a aumenta te na mas di 247 miyon florin. Den januari di 2026, e cantidad lo a yega te casi 254 miyon florin.

E cantidad total cu gobierno tin den banconan den e pais tambe a aumenta. Esaki a aumenta cu casi 70 miyon den

2022 te na casi 296 miyon florin den 2025 y mas di 301 florin den januari di 2026.

E cifranan aki ta demostra cu gobierno su posicion di likides a cambia di manera significativo den añanan recien. Mientras cu gobierno te ainda tin un posicion di debe substancial den e sistema

monetario di 2022, e posicion aki a practicamente disparece.

Na mesun tempo, e gobierno su posicion total cash a crece for di 199.2 miyon florin den 2022 te na 461.5 miyon florin na fin di 2025 y 512.5 miyon florin den januari di 2026.

Wardacosta di Caribe lo haya cutternan nobo

Diahuebs ultimo, Defensa y Damen Workboats a firma un contract pa e construccion di 3 boto nobo di patruyahe di tamaño mediano pa Wardacosta Caribe Hulandes.

E contract aki a keda estableci siguiendo un procedura di destaho. E cutternan nobo aki lo reemplasa esnan cu tin actualmente den Caribe, cual tin mas di 20 aña den uso. Ta anticipa cu e cutternan nobo aki lo ta operacional den cuminsando di 2029.

E cutternan cu defensa a cum-

pra pa Wardacosta lo ta responsable pa entre otro vigilancia, detencion y asistencia maritimo riba lama den e parti Caribense di Reino. Esaki ta inclui tareanan di polis, control di frontera, patruyahe y operacion di busckeda y rescate riba lama.

Botonan mas grandi y moderno pa Wardacosta E cutternan actual, Jaguar, Panther y Poema a drenta den servicio fin di añanan 1990. E botonan aki di Damen di e marca Stan Patro 4100 ta haciendo trabaonan confiabel pa varios aña caba. Sinembargo,

debi na nan edad, manten- cion y gastonan ta keda crece. Pa e motibo aki lo reemplasa nan cu un generacion nobo di botonan di patruyahe.

E cutternan nobo di e marca Stan Patrol 5009 ta aproximadamente 50 meter largo, cual ta haci nan mas grandi cu esnan cu tin actualmente. E dato aki ta importante debi na e condicionnan cu algun biaha ta extremo riba lama di Caribe. E botonan nobo aki tambe lo ta ekipa cu sensornan moderno, manera radar avansa y camaranan infracora, cual ta camaranan cu ta detecta energia di calor emiti pa tur obheto riba 0 y ta converti esaki den imagennan visible. Na diferencia di camaranan normal, nan ta opera den scuridad tota of huma y esaki ta haci nan esencial pa seguridad y na su turno extremadamente util pa tin riba e cutternan.

Tur esaki ta duna e tripulacion facilidad pa mantene un vigilancia efectivo te hasta durante oranan di anochi of na momentonan unda visibilidad no ta mesun bon. Na su turno, esaki por aumenta e efectividad operacional di Wardacosta, cual ta fortalece su habilidad

di por ehecuta su tareanan.

Botonan cu ta intercepta mas grandi y mas lihe Banda di e cutternan, Damen lo provee tambe 4 boto nobo pa intercepta. Cada cutter lo tin un di e botonan aki a bordo.

E botonan aki, a diferencia di e cutter, ta destina pa intercepta botonan cu tin contrabanda di manera lihe, e asina yama 'go-fast'. E go-fastnan hopi biaha ta usa pa transportacion di droga den Caribe, y esaki ta haci e presencia di botonan destina pa intercepta di importancia critico.

Ademas di esaki lo tin un boto pa interceptacion extra disponible pa rotacion di entrenamiento y na momento cu algun di esnan abordo mester di mantencion.

E botonan nobo aki lo ta mas grandi cu esnan cu tin actualmente y pa e motibo aki lo mantene velocidad di miho manera den e olanan halto.

Cu e yegada di e cutter y botonan pa intercepta, Wardacosta ta adkiriendo ekiponan moderno cu ta adapta di un miho manera na su tareanan.



Riba '18 di maart' no tin sorteo

E sorteo di Lotto 5 e siman aki lo hunga riba diahuebs



En conexion cu celebracion di Himno y Bandera, lo no tin sorteo di Lotto, E Loteria di Aruba y oficinanan di principal na Playa y San Nicolas lo ta cera riba diaranson 18 di maart y consecuentemente a dicidi di pone e sorteo di Lotto 5 riba diahuebs 19 di maart. Ta corda hungadonan pa cumpra nan Lotto trempan, pa evita cu ta keda for di e sorteo y como tal, keda for di e chens di cambia nan bida cu Lotto, E Loteria di Aruba. Tambe lo por cumpra bo Lotto Online y awo cu mas manera pa recarga bo cuenta sea bo ta pasa na bo rebendado preferi of por recarga usan-

do Pay.aw.

Lotto, E Loteria di Aruba tin diferente wega, Catochi, Big 4, 1-OFF, Zodiac, Wega di Number di Korsou di Lotto, Lucky 3, Multi-X, Lotto di Dia, Lotto 5, Mini Mega y cu su Mega Plus y e diferente weganen di Raspa y Gana y Instacash. Tambe lo por hunga Lotto Online door di bishita: play.lottoaruba.com pa por registra. Cumprando Lotto bo ta contribui na deporte riba nos isla. E meta ta pa organisa loteria, cambia bida di su hungadonan y na mes momento inverti den deporte local pa medio di donacionnan na e comision di subsidio.

Minister Geoffrey Wever:

2025 y 2026 atrobe lo tin ganashi pa Freezone Aruba NV

Dia 12 di maart ultimo, Minister Geoffrey Wever, cu como Minister di Finanzas, Asunto Economico y Sector Primario ta representa Land Aruba como unico accionista den FreeZone Aruba NV, tawata tin un reunion di accionista di FreeZone Aruba NV hunto cu e Director nobo di FreeZone Aruba NV, Sr. Walter Mosher, y e Supervisory Board di FreeZone Aruba NV pa presenta y acorda oficialmente e presupuesto pa 2026.

Durante e ultimo aña, FreeZone Aruba NV a pasa dor di un reorganizacion profundo. Entre otro:

- a prepara y entrega tur jaarrekeningen te cu 2024;
- un reorganizacion structural cu un Supervisory Board nobo;
- un director nobo;
- y introduccion di un Begunstigd Beleid pa reposiciona FreeZone Aruba NV y atrae mas inversion y negoshi nobo pa FreeZone Aruba NV.

Desde februari 2026, FreeZone Aruba NV tambe

tin un Director nobo: Sr. Walter Mosher, un young professional di Aruba cu despues di un carera internacional a tuma e decision pa regresa na su pais pa contribui na su desaroyo.

Durante e reunion di awe, FreeZone Aruba NV a presenta su presupuesto pa 2026.

Pa aña 2025, e ganashi preliminar di FreeZone NV tabata Afl. 482.000, cu ta un logro impresionante despues cu FreeZone Aruba NV pa hopi aña tawata haci perdida. Na aña 2024 FreeZone Aruba NV a haci su promer ganashi despues di hopi aña y pa 2025 ta muestra cu FreeZone Aruba NV lo haci un ganashi di Afl. 482.000.

Pa 2026, e proyeccion ta ganashi ta Afl. 282.000, reflehando e inversionnan importante den manencion di edificio y den atrae negoshi nobo pa establece nan mes den FreeZone Aruba NV.

Cu e Begunstigd Beleid nobo awor den vigor, y e cambio structural cu a keda implementa den e organizacion, nos ta premira un era nobo pa FreeZone Aruba NV, segun un comunicado di gobierno.



Minister Geoffrey Wever:

Riba Dia Internacional di Consumidor Aruba a conoce un miho proteccion di consumidor

Minister di Finanzas, Asunto Economico y Sector Primario, mr. Geoffrey Wever ta anuncia cu riba Dia Internacional di Consumidor 15 di maart 2026 e "Landsverordening bestuursrechtelijke handhaving consumentenbescherming" a drenta na vigor.

E ley aki lo fortifica di manera significativo e proteccion di consumidor y ta duna Aruba Fair Trade Authority (AFTA) un rol importante den supervision y aplicacion di e ley pa proteha derechonan di consumidor.

Proteccion di consumidor ta un pilar importante di e maneho economico di Gabinete AVP-FUTURO. Manera palabra den Programa di

Gobernacion 2025- 2028 riba pagina 34 "lo introduci e ley di proteccion di consumidor pa proteha e consumidor y crea un mercado mas transparente y husto. Lo presenta e ley aki na Parlamento y implementa door di Aruba Fair Trade Authority". Despues cu Parlamento a trata y aproba e ley riba 18 di juni 2025, via un decreto nacional di 27 di februari 2026, e ley di proteccion di consumidor lo drenta na vigor riba 15 di maart 2026, riba Dia Internacional di Consumidor.

E ley ta introduci un sistema di instrumentonan legal cu ta haci posibel pa actua mas lihe y mas efectivo contra abuso y violacion di derechonan di consumidor. AFTA lo haya e autoridad pa investiga violacionnan di derechonan di

consumidor y si ta necesario tuma pasonan legal concreto contra companianan cu no ta cumpli cu e ley. Segun e ley, AFTA por entre otro duna instruccionnan na companianan pa coregi nan manera di haci negoshi, impone sancion y boet. Tambe AFTA por emiti advertencianan publico pa alerta consumidornan riba practicanan comercial cu ta contra e ley aki.

Durante 2025 gobierno den cooperacion estrecho cu AFTA a eherce e trabaonan preparativo necesario pa garantisa ehecion di e tarea nobo aki di AFTA riba proteccion colectivo di consumidornan manera e ley ta exige. Awor cu e ley lo drenta na vigor, un prome paso ta cu AFTA lo cuminsa cu entre otro informacion general pa

publico y un investigacion di mercado.

Den e prome fase, e informacion lo tuma luga via e website di AFTA y otro canalnan di informacion publico y despues via e ConsuLoket. E ConsuLoket ta un portal digital unda consumidornan lo por entrega keho. Implementacion di e ConsuLoket lo sosode mas despues den 2026.

Minister Geoffrey Wever ta indica cu e ley lo contribui na un mercado mas husto y transparente y ta proteha consumidornan ora cumpra den un negoshi of online. Tambe e consumidornan lo wordo protehi entre contra mercadeo falso, condicionnan di contract no rasonabel y contra e practica di

manda productonan sin cu e consumidor a pidi esaki. E consumidor ta un partido importante den economia. Pesey ta introduci e ley aki pa fortifica e posicion y proteha derechonan di tur consumidornan den economia.

Reglanan transparente y supervision efectivo tambe ta contribui na un "level playing field" pa negoshinan segun minister Geoffrey Wever.

Minister Geoffrey Wever ta gradici Gabinete AVP-FUTURO, AFTA y DEZHI cu a haci posibel pa e Ley pa proteccion di consumidor bira un realidad. Cu esaki, riba Dia Internacional di Consumidor 15 di maart 2026 Aruba ta dal un paso concreto den proteccion di derechonan di tur consumidor.

E sindroma sorprendente aki ta haci futuro tatanan sinti manera nan ta na estado

(BBC)—Sindroma di Couvade ta ser experiencia pa casi mitar di tur parehanan. Esaki ta cambiando mientras cientificonan ta pensa riba con futuro mayornan cu no ta na estado ta ser afecta pa e embaraso di nan pareha.

Cuater aña pasa, ora su esposa tabata seis luna na estado cu nan prome yiu, Alex Jones a cuminsa sinti malo casi tur anochi.

“Mi a nota prome un nausea,” e creador di contenido di 34 aña for di East Midlands na Reino Uni a bisa. “Mi tin un tolerancia hopi halto pa sacamento y sinti malo. Ta tuma hopi pa mi sinti nausea. Pues ora el a cuminsa...mi a nota esaki inmediatamente.”

Cansancio fuerte, un sensacion sensible den su curpa riba brasanan y pecho, hunto cu un sensacion general di “simplemente no sinti mi mes”, a sigui despues. “E cos mas straño tabata cu mi tabata lanta regularmente cu mi brasanan drumi,” Jones a bisa. “Ora mi a bisa mi esposa, el a bisa cu mes cos tabata ta pasa cune tambe.”

Despues di un tiki investigacion riba Google anochi laat, Jones a realisa cu su sintomanan ta cuadra cu un condicion poco conoci yama sindroma di Couvade.

“E miho manera pa describi esaki ta embaraso simpatico,” Catherine Caponero a bisa, un doctor obstetrico-ginecologo na Cleveland Clinic na Ohio, Merca, kende a mira algun caso. “Basicamente, e ta ora un pareha cu no ta na estado ta experiencia sintomanan di embaraso aunke biologicamente e no ta na estado.”

Un cantidad creciente di investigacion ta indica cu e sindroma ta mas comun cu anteriormente tabata pensa — y algun cientifico ta cuestionando si e sintomanan straño aki mester ta den consideracion ora ta investiga con hayando un yiu ta afecta ambos mayor.

Hopi presente pero no clasifica

Couvade por afecta futuro tatanan, parehanan di mesun sexo y hasta futuro welanan cu ta biba cu e persona na es-



tado y ta hopi involucra den su cuida, segun Caponero. E sintomanan ta varia hopi: for di nausea y cansancio, dolor di lomba y dolor di djente, cambio di humor, deseo pa cierto cuminda y hasta aumento di peso. Nan aparicion ta similar cu embaraso fisico y normalmente ta yega su punto mas fuerte den prome y tercer trimestre prome cu desapare despues di parto.

Pasobra Couvade por manifesta den hopi manera y no tin un definicion hopi cla, calculacionnan riba con frecuente e ta pasa ta varia bastante. Un estudio, por chempel, a haya cu te 52 porciento di tatanan na Merca a bisa cu nan a experiencia algun señal di e sindroma durante embaraso di nan esposa. Cifranan similar a ser reporta na Jordania (59 porciento) y Tailandia (61 porciento). Otro estudionan a haya cifra aun mas halto na Polonia y China, unda siete di cada dies futuro tata a bisa cu nan a experiencia sintomanan di Couvade. Otro investigacion ta indica cu prevalencia por ta mas abao na Suecia (20 porciento) y Rusia (35 porciento).

Aunke investigacion ta muestra cu esaki ta relativamente comun, sindroma di Couvade no ta oficialmente clasifica como un desorden medico, Ronald Levant a bisa, profesor emerito di psicologia na Universidad di Akron na Ohio, Merca. Ni Clasificacion Internacional di Enfermedadnan ni Manual Diagnostico y Estadistico Americano di Desorden Mental — dos guia autoritario cu mediconan rond mundo ta usa — no ta reconoce Couvade. Poco literatura

medico ta menciona esaki.

“Mi ta pensa cu mi a siña ap-

enas un frase riba dje [den facultad di medicina],” Caponero a bisa. “Hasta den nos

recursonan como medico, no tin hopi informacion riba esaki.”

Awor, hopi di e cosnan tocante e sindroma poco studia aki ta un misterio ainda. “Su mecanismo no ta bon entendi,” Daniel Singley a bisa, psicologo y director di Center for Men’s Excellence na San Diego na Merca. “Talbes e ta un manera pa trata cu asuntonan emocional, talbes e tin un base neurobiologico. Mi no ta pensa cu esaki ta cla ainda.”

Mayoria di investigadornan, sinembargo, ta di acuerdo cu sindroma di Couvade ta multifactorial, cu ta involucra componentenan biologico y psicologico, Levant a bisa.

Hulanda y Francia ta uni pa combati trafico di droga den Caribe



(NLTimes) – Oficialnan a anuncia riba diahuebs cu Wardacosta di Caribe Hulandes y Wardacosta Frances na Sint Maarten y Saint Martin, awor tin autorisacion pa persigui boto sospecha di trafico di droga den awa teritorial di cada otro.

E acuerdo, firma pa Reino di Hulanda y Francia ta imple-

menta e Tratado di San Jose, cual tin como meta fortalece cooperacion den Caribe contra trafico ilegal di droga.


Wardacosta di Caribe a bisa cu e isla ta sirbi como un punto clave di transito pa droga cu ta move for di Sur America pa Nort America y Europa.

E tratado ta clarifica condi-

cionnan pa persecucion maritimo. Autoridadnan di wardacosta por persigui boto sospechoso di trafico di droga, pero nan no ta permiti usa forza durante e persecucion.

E pacto a ser firma pa Luc Mercelina na nomber di Reino di Hulanda y pa Naïma Moutchou na nomber di Francia.

Miembro di conseho municipal den Steenberghe condena pa fraude di €83,000



(NLTimes) – Un miembro di conseho municipal den Steenberghe a keda condena pa fraude despues cu el a horta €83,000 den mercancia di su anterior duna di trabao, segun confirmacion di autoridadnan local.

Gidion Tunders a entrega 157 factura falso entre 2017 y 2021, reclamando material di compania mientras cu e tabata cumpra aparato electronico pa uso personal, segun documentonan di corte revisa pa Omroep Brabant. Na december 2025, corte di Rotterdam a condena Tunders na 120 ora di trabao comunitario y a ordena pa e paga back €83,000.

Tunders anteriormente a sirbi den conseho municipal pa D66 te october 2025, ora cu

e y dos colega a laga e partido pa forma nan propio grupo local, Vanuit de Kern. E salida a sucede un luna prome cu proceso hudicial di fraude a cuminsa, aunke no ta claro si e investigacion pendiente a influi e decision.

A pesar di e condena, Tunders ainda ta un miembro electo di conseho municipal y tambe ta sirbi den comite di auditoria di Steenberghe, cual ta duna conseho tocante supervision financiero. E tambe ta eligibel pa reeleccion den proximo eleccion municipal.

Den un declaracion di 10 di maart, Vanuit de Kern a describi e caso como “un asunto personal di pasado cu no tin conexon cu actividadnan politico dentro di partido ni den conseho municipal.”

Jetten ta elogia atleta paralimpico Hulandes pa gana cinco medaya, incluyendo dos di oro



(NLTimes) – Delegacion Paralimpico di Hulanda a gana cinco medaya na Wega Paralimpico di Winter, incluyendo dos oro, tres silver y un brons, cu tur victoria ta bini di competencia di ski y snowboard. Prome minister Rob Jetten a bishita e atletanan riba diasabra pa personalmente felicita nan pa nan prestacion.

“Ki espiritu e team tin; hunto nan realmente ta TeamNL,” Jetten a bisa, resaltando logro di sit-skier Jeroen Kampschreur, kende a gana tur dos medaya di oro di e pais. Jetten a agrega cu e atletanan ta “un ehempel inspirador pa hopi hende.”

E team tambe a gana tres medaya di plata den competencia di ski y snowboard y un medaya di brons. E Wega Paralimpico a termina riba diadomingo.

Gobierno Hulandes anteriormente a expresa oposicion fuerte contra participacion plania di atletanan di Rusia y Belarus den proximo Wega Paralimpico di Winter na Milan y Cortina d'Ampezzo. Minister di Deporte Mirjam Sterk a critica decision pa permiti competidornan di e paisnan aki participa bao di nan bandera nacional. “Guera di agresion continuo di Rusia contra Ucrania y participacion di Belarus ta haci cu ta inaceptabel y doloroso cu e paisnan aki por participa den evento deportivo internacional y cu bandera, himno of otro simbolo nacional Ruso of Belaruso ta ser musta,” Sterk a skirbi den un carta pa Tweede Kamer.

A pesar di protesta, gobierno Hulandes a confirma cu lo manda un delegacion pa e Weganan bao di condicionnan stricto. Oficialnan Hulandes no lo participa den evento oficial unda simbolonan Ruso of Belaruso ta ser musta.

E Gabinete a indica cu atletanan Hulandes lo competi solamente den evento individual, eliminando posibilidad di competencia directo di team cu atletanan Ruso of Belaruso.

“E atletanan di elite merece nos apoyo y reconocimiento pa nan logro,” Sterk a skirbi, confirmando respaldo di gobierno Hulandes pa atleta paralimpico di e pais.

Rusia ta presenta caso penal contra Hulanda pa ‘ladronicia’ di Oro di Crimea

(NLTimes) – Autoridadnan Ruso a habri un caso penal contra Hulanda, Ucrania y e Museo Allard Pierson di Amsterdam, acusando nan di “ladronicia” pa motibo di e debilbe di un coleccion disputa di artefactonan antiguo conoci como oro Scythian na Kyiv na 2023, NOS ta informa.

E Comité di Investigacion di Rusia, e autoridad investigativo mas halto di e pais y un contraparti di FBI na Merca, a bisa cu el a haya “elementonan di crimen” den e maneho di e coleccion, cu a ser fia na e Museo Allard Pierson mas cu un decada pasa.

Segun fiscalnan Ruso, e supuesto ofensa ta encera “e fracaso pa debilbe herencia cultural exporta for di Rusia na tempo.”

E coleccion—565 artefacto incluyendo arma y obhetonan di cas di tres pueblo antiguo di Crimea, e Scythian, Goths y Sarmatian—ta data di antigüedad y comienso di Edad Medio. E obhetonan a origina di cuater museo riba e peninsula di Crimea den Lama Preto.

Autoridadnan di Ucrania a fia e artefactonan na e Museo Allard Pierson na Amsterdam na 2014 pa un exposicion titula “Crimea – Oro y Secreto” di Lama Preto.” E museo a tene e coleccion di februari pa augustus 2014.

Mientras cu e exposicion tabata andando, Rusia a anexa e peninsula di Ucrania na maart 2014 despues di un lantamento popular na Ucrania cu a conduci na e huida di e presidente pro-Ruso Viktor Yanukovich. Despues cu e exposicion a termina, tanto Rusia como Ucrania a reclama e artefactonan, loke a causa un disputa legal prolonga tocante unda e coleccion mester ser debilbi. Museo Allard Pierson a dicidi di warda e artefactonan na Hulanda mientras ta warda riba un sentencia di Corte.

Na 2016, un corte na Amsterdam a dicta cu e tesoronan di Crimea tabata pertenece na Ucrania. E decision tabata basa riba un convension di UNESCO cu ta bisa cu artefactonan cultural fia mester ser debilbi na e estado cu a provee nan. E corte a dicta cu Ucrania, despues di a fia e obhetonan oficialmente, mester



ricibi nan back.

Autoridadnan Ruso a condena e decision e tempo ey como “politicamente motiva.” Rusia y e museonan di Crimea a apela e decision pero a perde den un corte mas halto. Despues nan a pidi Corte Supremo Hulandes pa anula e veredicto, pero e sentencia a keda definitivo.

E artefactonan a ser traslada finalmente pa Kyiv na november 2023 despues di casi un decada di procedemento legal den e cortenan di Amsterdam.

E coleccion a bay riba pantaya na juli den e capital di Ucrania bao di e titulo “Tesoronan di Crimea. Regreso.” E exposicion a ser habri pa Olena Zelenska, e casa di e presidente di Ucrania Volodymyr Zelenskyy.

A pesar di e corte su confiansa riba reglanan di UNESCO—cu ta prohibi debilbe tesoronan cultural na teritorionan disputa—Rusia ta sostene cu e obhetonan a bira propiedad Ruso despues di e anexion di Crimea. Vocero di e Comité di Investigacion Svetlana Petrenko a bisa cu despues di e anexion, e museonan di e peninsula y nan exposicionnan a bira propiedad di Rusia.

“Oficialnan di Reino Hulandes, Ucrania, y e Museo Allard Pierson a horta, confisca y transferi tur e articulonan di museo ariba menciona, cu ta ser considera tesoronan cultural, pa Ucrania sin compensacion y sin debilbe nan na Federacion Ruso,” Petrenko a bisa.

E Comité di Investigacion ta calcula e balor di e coleccion di oro na alrededor di 1.3 miyon euro, aunke e ta bisa

cu e balor di mercado ta significativamente mas halto y cu algun artefacto ta “impagabel debi na e ausencia di ehemp-

elnan comparabel den cultura mundial.”

Historiador Ruso Andrei Zubov a calcula e posibel balor di destaho na te cu 200 miyon euro pero a bisa cu e interes di Kremlin den e caso ta politico enbes di financiero of historico. “Mayoria di e obranan di arte ta data di siglo seis prome cu nos era, y Rusia no tabata ni existi e tempo ey,” Zubov a bisa e canal di television independiente Dozhd.

Segun Zubov, Kremlin ta purbando di manda un mensahe politico. “E kier proba cu Rusia ta e doño legitimo di Crimea, loke ta legalmente un disparate. Henter mundo ta mira Crimea como territorio anexa. E demanda Ruso ta absurdo, y corte Hulandes a actua completamente correctamente,” el a bisa, yamando e caso “completamente ridiculo.”

Paseo Diferencia

18

RAIZ DI NOS ISLA

Celebrando Dia Nacional di Nos Bandera

di Maart

Join nos pa un anochi cultural cu entretenimiento

Caha di Orgel 6 PM

Steelman Music 6:30 PM

Baile Folklorico 7:30 PM

Grupo di Betico 8 PM

Delcy Rodriguez a priminti cu Venezuela lo hisa su bandera na embahada den Merca

(Infobae) – Despues cu embahada di Merca den Caracas a hisa su bandera atrobe despues di 7 aña, presidente interino di e pais Caribeño a sigura cu den futuro cercano e “tricolor” Venezolano lo bula tambe den pais Nort Americano.

Presidente interino di Venezuela, Delcy Rodriguez, a anuncia cu “hopi pronto” e pais lo hisa su bandera na embahada Venezolano den Merca, despues di reanudacion di relacion diplomatico entre Caracas y Washington. Riba diasabra, e embahada Mericano den capital Venezolano a hisa su bandera pa prome biaha den 7 aña, un evento cu Rodriguez a celebra. “Hopi pronto nos lo ta hisando bandera di nos tricolor, di Venezuela, den Merca, den nos embahada,” el a declara durante un evento transmiti pa canal estatal VTV.

Rodriguez a afirma cu su pais ta “demostrando cu, cu cabes halto,” e por “mantene relacion di respet” cu Merca. Embahador Laura Dogu, via rednan social di e embahada,

a reporta e evento historico na embahada Mericano den e pais Caribeño.

“Na mainta di 14 di maart 2019, bandera Mericano a ser baha pa ultimo biaha na Embahada di Merca den Caracas. E mainta aki, 14 di maart 2026, na mesun ora, mi team y ami a hisa bandera di Merca — exactamente 7 aña despues cu el a ser kita,” el a expresa. Ademá, el a afirma: “Un era nobo a cuminsa pa relacion entre Merca y Venezuela.” Dialogo bilateral entre Venezuela y Merca ta inclui temanan di derecho humano y garantianan pa retorno di inversionistanan internacional. Autoridad Mericano a duna prioridad na sector energetico, cu meta di impulsa economia Venezolano y fortalece presencia Nort Americano den industria strategico.

Mesora, presidente interino a duna control di sector petrolero na companianan priva y a modifica ley di hidrocarburo, cual a permiti inversionnan nobo y firma di acuerdo internacional.

Den e escenario aki, Rodriguez tambe a informa cu 300 miyon operacion a drenta den un fondo nobo crea pa



“proteccion social”, proveni di un “benta extraordinario” di fuel oil, un combustible deriva di petroleo. Durante e evento transmiti pa VTV, el a indica cu e operacion ta busca “garantisa un aumento den ingreso di trahadonan,” aunke e no a duna detaye tocante cantidad ni mecanismo di distribucion. Presidente interino tambe a recorda cu despues di captura di Nicolas Maduro di parti di Merca na januari 2026, autoridad Venezolano a crea dos fondo soberano pa usa recurso proveniente di inversionnan nobo den petroleo y gas: uno enfoca riba proteccion social, cu meta di mehora ingreso,

salud, cuminda y vivienda; y otro pa sostene serviccionan publico. Rodriguez tambe a haci un yamado na diferente sector di e pais pa pidi cu presidente Mericano Donald Trump kita e sancionnan contra Venezuela.

“Presidente Trump, e ta sentimento di un pueblo, pero tambe e ta e caminda pa cu Latino America — cual bo a menciona — por marcha hunto cu crecemento den ekilibrio y unda Venezuela tambe por aporta na crecemento regional,” el a declara. Rodriguez tambe a rechasa propuesta di presidente Colombiano Gustavo Petro

pa establece tarifa cero den comercio binacional, argumentando cu sancionnan Mericano — cu a flexibilisa den ultimo lunanan durante acercamento entre Caracas y Washington — ta crea desigualdad economico.

“Presidente Petro, nos lo kier, pero nos no por, paso pueblo Venezolano ta sanciona, pueblo productor Venezolano ta sanciona... nos no por bay den termino igual y nos mester acompaña nos pais productor pa cu, den e condicionnan di desigualdad ey, nos por haci comercio exterior cu beneficia pueblo Venezolano,” el a declara.

Impacto di prijs di combustible ta sacudi Honduras

(Infobae) - Companianan cu ta provee servicio di transporte publico ta argumenta cu aumento reciente den prijs di gasolin y diesel, hunto cu congelacion di tarifa pa tres aña, a pone sostenibilidad financiero di e sector na riesgo.

Transportadornan di Honduras a lanta posibilidad di un aumento den tarifa di transporte publico debi na reciente subida di prijs di combustible. E debate a intensifica despues cu e gobierno a anuncia cu lo asumi mita di e aumento determina pa mercado internacional, pa evita un impacto total riba usuari-
onan.

E medida ta busca mitiga presion cu subida di derivadonan di petroleo — relaciona cu crisis den Medio Oriente — ta eherce riba finanzas di poblacion y operadornan di e sector, segun un comunicado oficial di gobierno di Honduras.

E ahuste internacional re-



ciente a nifica un aumento efectivo di L6.24 pa galon di gasolin regular y L11.60 pa galon di diesel pa siman di 16 di maart 2026. Cu e mecanismo di apoyo nobo anuncia, consumidornan lo paga solamente L3.12 pa gasolin regular y L5.80 pa diesel, mientras Estado lo cubri e diferencia. Esaki ta representa un inver-

sion publico di aproximadamente L49,824,000 cada siman y L199,296,000 pa luna, segun comunicado di gobierno.

E situacion ta contesta directamente kico ta pasa: prijs di combustible a subi na maart 2026 den Honduras, y e impacto riba tarifa di transporte publico por ser parcial-

mente mitiga danki na intervencion di e Estado. Sinembargo, sector di transporte ta exige un revision profundo di tarifa pa garantisa continuidad di servicio.

Impacto fiscal y reaccion di gobierno

Gobierno a enfatisa caracter global di e fenomeno, indi-

cando cu e subida di prijs di petroleo ta deriva di tensionnan den Medio Oriente, un situacion cu a afecta prijs di combustible rond mundo.

E comunicado oficial, dirigi na poblacion, ta detaya cu Estado Hondureño lo asumi “50% di e aumento internacional” pa controla e efecto riba consumidornan y sector productivo nacional.

E solucion fiscal pa sostene e subsidio ta representa casi L200 miyon pa luna y lo ser implementa como medida temporal mientras e situacion internacional continua.

Gobierno ta garantisa cu lo sigui monitoria mercado global di combustible pa tuma decisionnan cu proteha estabilidad economico y poder di compra di poblacion, basa riba un mecanismo di apoyo estatal anuncia publicamente cu ta dirigi na proteha tanto usuari-
onan como operadornan den un di e periodonan di presion mayor di prijs den ultimo añanan.

Lider di oposicion Venezolano, Maria Corina Machado, ta denuncia amnistia ‘selectivo’

(AFP) – Lider di oposicion Venezolano, Maria Corina Machado, a acusa gobierno di Caracas di “husticia selectivo” bou di su programa di amnistia, bisando cu su propio abogado ainda mester ser libera.

E ley di amnistia a ser aproba pa lider interino Delcy Rodriguez bou di presion di Washington despues cu forsan arma Mericano a captura e ex lider Nicolas Maduro na januari y a hib’e New York pa enfrenta

acusacionnan di trafico di droga.

E tin como meta pa bira e pagina riba casi tres decada di represion estatal, y marca un logro trempan den e transicion post-Maduro.

Pero Machado, kende a ricibi e Premio Nobel di Paz aña pasa, a bisa cu su aliado yega y abogado Perkins Rocha ta den detencion for di augustus 2024, ora cu decenas di hende a keda

aresta despues di e reeleccion impugnada di Maduro.

Rocha, di 63 aña, ta keda bou di aresto domiciliario y ta obliga di presenta na autoridadnan cada tres ora. Su peticion di amnistia a ser nenga, Machado a post riba X.

"Pa nenga selectivamente amnistia ta represion. E regimen lidera pa Delcy Rodriguez kier prolonga e terror kibrando e moral di esnan cu ta lucha pa democracia y libertad na Venezuela," el a skirbi.

"Perkins Rocha y tur preso politico mester ser poni den libertad completo. Ni ex-prisionero, ni acusado: LIBER!"

NGO's tambe a critica e ley di amnistia como insuficiente y ta ser aplica inhustamente.



E ley ta cubri personanan deteni den eventonan manera un golpi di estado fracasa na 2002 contra ex-lider Hugo Chavez y varios ciclo di protesta entre 2004 y 2024, y tambe pa critica publica riba medionan social of servicionan di mensahe.

Gobierno ta pretende cu mas

cu 7.000 hende a haya libertad completo, incluyendo presonan den prison y esnan cu ta den libertad condicional.

E NGO Foro Penal a bisa e luna aki cu mientras cu 690 preso politico a ser libera desde e destitucion di Maduro, alrededor di 500 ta keda cera ainda.

Trinidad y Tobago: A implementa medida interino pa alivia presion riba servicio di pashent

(TrinidadExpress) - Minister di Salud Dr. Lackram Bodoë ta bisa cu medidanan interino a ser implementa pa alivia presion riba servicio di pashent despues di retrasonan den e reapertura di e Block Central di \$1.3 biyon na Hospital General di Port of Spain.

Bodoë a bisa cu e Autoridad di Salud Regional di Noord-West (NWRHA) a introduci varios medida pa maneja e fluho di pashent mientras cu e facilidad di 540 cama ta keda bou di construcion.

Corporacion di Desaroyo Urbano di Trinidad y Tobago (UDECOTT) a confirma cu e reapertura di Block Central a keda posponi atrobe y no lo keda cla pa 31 di maart manera tabata plania anteriormente.

Originalmente tabata spera cu Block Central lo a habri aña pasa. Sin embargo, varios asunto a contribui na un liña di tempo di finalisacion revisa di 30 di juni 2026. Presidente di e Asociacion Nacional di Enfermeria di Trinidad y Tobago Idi Stuart tambe a lanta preocupacionnan tocante e retrasonan, citando sobrepoblacion den e Departamento di Accidente y Emergencia (A&E).

Bodoë a bisa cu mientras cu ta anticipa cu Block Central lo agrega aproximadamente 540 cama y amplia e capacidad di pashent interna significativamente na momento di finalisacion, e Autoridad di Salud Regional di Noord-West a implementa medidanan interino pa reduci presion riba e Departamento di A&E y e salanan di pashent interna. "E medidanan aki ta inclui e

establecimiento di un sala di medicina interno na e Compleho Medico St. James, cu ta permiti pashentnan eligibel pa ser interna eyan directamente en bes di ser traslada pa Hospital General di Port of Spain," el a splica.

"Clinicanan di filter tambe a ser introduci na tur dos facilidad pa trata casonan di menos gravedad separa, mehora e fluho di pashent y permitiendo teamnan di emergencia pa enfoca riba pashentnan mas critico."

Mehoracionnan tambe a ser haci den otro areanan, el a bisa.

"E Autoridad tambe a mehora acceso na resultadonan di laboratorio y imagen a traves di su Sistema di Informacion di Laboratorio (LIS) y Sistema di Archivo y Comunicacion di Potret (PACS), a fortalece e personal den e unidadnan di A&E y pashentnan interna, a encarga un area di observacion adicional den e Departamento di A&E, y a haci trabounan di renobacion banda di e adkisi-cion di ekipo medico nobo," el a bisa.

Colectivamente, Bodoë a señala, "E medidanan aki ta destina pa mehora eficiencia, fortalece e capacidad di cuida di emergencia, y sigura cu pashentnan ta sigui ricibi cuida na tempo mientras e proyecto di Block Central ta progresa pa finalisacion."

Ministerio di Salud, hunto cu e autoridadnan di salud regional, lo sigui traha pa salvaguardia salud di e poblacion pa medio di e maneho efectivo di recursonan disponibel.

Himno & Bandera Relaxation Special

Dollar = Florin

Swedish Massage 50min. Afl. 200	Couples Swedish Massage 50min. Afl. 400
--	--

This promotion is valid only for locals with a valid ID.
 Use of the Wet Area is included.
 Gift Certificate Available.
 New Healthy Smoothie Menu Available.

FOR RESERVATIONS:
Ebaap4@iberostar.com • T: 2818700 ext.834

Regulador di media Mericano ta lansa menasa pa cobertura di guerra na Iran



(AFP) - Regulador top di canalnan Mericano a menasa outletnan di media diasabra cu cobertura negativo di e guerra den Medio Oriente, despues cu Presidente Donald Trump a critica e noticianan critico for di "Fake News Media."

E presidente desde su prome termino a yama media co-

mun "fake news" y a demanda outletnan grandi pa loke e ta considera cobertura inhusto.

Brendan Carr, hefe di Federal Communications Commission (FCC) - cual ta supervisa radio Mericano, television y media di internet - a bisa cu nan ta core riesgo di perde nan licencia pa e cobertura di noticia.

"E ley ta cla. Noticieronan mester opera den interes publico, y nan lo perde nan licencia si nan no haci esaki," Carr a bisa riba un publicacion haci na e plataforma anteriormente conoci como Twitter, X. "Noticieronan cu ta poniendo noticia falso y distorsion di noticia - tambe conoci como 'fake news' - awo tin chens di coregi nan curso prome cu e renobacion di nan licencia mester tuma luga."

Carr su declaracion no a señalá ningun outlet, pero a inclui un publicacion di Trump riba rednan social den cual e presidente a señalá "un noticia cu ta desinforma intencionalmente di Fake News Media" tocante 5 avion tanker golpia pa atakenan contra Iran den Saudi Arabia.

Foundation for Individual Rights in Education (FIRE),

un organisacion defensor di libertad di expresion, a critica Carr su menasa "autoritario." "Ora cu gobierno exige prensa bira un bocina estatal bao menasa di castigo, algo a bay sumamente fout," el a publica riba X.

Desde cu Israel y Merca prome a lansa atake aereo contra Iran dia 28 di februari, ambos Trump y Pentagono su hefe Pete Hegseth a regularmente descarta storianan critico como "noticia falso."

Diabierna ambos Pentagono y Cas Blanco a critica CNN despues cu el a publica un storia cu ta sugeri cu Washington a subestima Iran su habilidad di por stroba trafico di petroleo global den Strait of Hormuz. "E storia aki ta 100% FAKE NEWS," Secretario di Prensa Karoline Leavitt a bisa den un publicacion riba X.



Carr aña pasa a menasa e licencia di ABC despues di comentario haci pa anfitrión di television 'late night' Jimmy Kimmel riba e asesinato di activista Charlie Kirk.

ABC brevemente a kita Kimmel su show for di emision despues di menasanan, treciendo critica amplio prome cu esaki a regresa.

Filosofo Aleman Jurgen Habermas ta fayece cu 96 aña



(AFP) - Filosofo Aleman Jurgen Habermans a fayece, segun vocero pa su cas di publicacion, Suhrkamp Verlag, a conta AFP diasabra.

El a fayece cu 96 aña na Starnberg, na e parti sur di Alemania, el a bisa, citando informacion for di e famia di e teorista politicamente activo.

Habermans tabata considera un di e filosofonan Aleman mas influencial di su generacion, involucra den tur e debatenan post-guerra mas grandi y mirando un Europa uni, den su punto di bista, e unico remedi na e aumento di nacionalismo.

Den su añanan mas adelante, el a dedica su mes na promove un proyecto federal Europeo y preveni cu continente lo cay, manera el a haci den e siglo 20, den rivalidad nacionalista.

Durante su bida, Habermans a conecta filosofia cu politica, pensamiento y accion. Despues di a ta e bos di protestanan di estudiante Aleman den 1960, el a bira su blanco 30 aña despues mientras e tabata adverti di e riesgonan di "fascismo isquierdista."

Naci dia 18 di juni den 1929 na Duesseldorf, Habermans a drenta Hitler Youth, pero e tabata demasiado chikito pa tuma parti activo den e guerra. Como un hoben, e tabata profundamente marca pa e collapse di Nazismo.

JOIA

BY IBEROSTAR

ROOFTOP BAR

ZIMA

ST. PATRICK'S

DAY SPECIAL

MARCH 17

ST. PATRICK'S BURGER

7 oz USDA Angus beef, beer-onion marmalade, Swiss cheese, smoked bacon, lettuce, green aioli, fries. Including 2 Tap Beers

\$30

15% OFF FOR LOCALS

RESERVATIONS TROUGH OPENTABLE.COM

FLAG DAY

BINGO

\$28,056 PROGRESSIVE

Alhambra
CASINO AND SHOPS

Wednesday, March 18 | 1pm
8 Games to Play! \$8.50 for 4 Cards!

Progressive within 51 Calls: **\$2,500**
Progressive within 52 Calls: **\$1,000**
Progressive within 53+ Calls: **\$750**

Special Door Prizes | Over \$2,500 in Total Payouts!
Double your prize with **DOUBLE POWERBALL**
*Progressive within 50 calls, amount unless hit before 3/18/26. **Except on Progressive.

BINGO Games and Prizes

Game 1	Letter X	\$100
Game 2	Large Diamonds	\$100
Game 3	Lucky 7	\$150
Game 4	Letter H	\$200
30 Minute Break / Pick 5 Winners		
Game 5	+ or Cross	\$300
Game 6	Postage Stamps	\$400
Game 7	Letter T	\$500
Game 8	Full Card	\$1,000

Open daily 10am to 3am | J.E. Irausquin Blvd #47 | 288.9000 | casinoalhambra.com
Play Responsibly. Visit www.gamblersanonymous.org if you or someone you know has a gambling problem.

Feria Patriotico 2026: Un celebracion mahestuoso cu a kibra tur expectativa

San Nicolas a bira e epicentro di cultura, orguyo nacional y celebracion durante Feria Patriotico 2026. E evento a resulta un berdadero exito, kibra tur expectativa cu publico di tur parti di Aruba cu a sali pa disfruta y celebra hunto.

Durante ultimo anochi, cu presencia di algun mandatario, e publico presente por a sinti e berdadero spiritu di "Aruba Dushi Tera." Momento special cu a recorda e significado profundo di nos simbolonan nacional, specialmente den un aña historico unda Aruba ta conmemora 50 aña di Himno y Bandera y 40 aña di Status Aparte."

E programa cultural a brinda un variedad di presentacionnan cu a deleita e publico. Entre nan tabatin baile folklorico di Inclusion School y NTC & NLG Dancers, bao guia di Marisol Peña, manera tambe un presentacion musical impresionante di Rufo Wever Music School. Un otro momento memorable tabata e presentacion di Stephanie Quant, ganador absoluto den categoria 13-17 aña di Festival Un Canto pa Aruba su Himno y Bandera, cu su composicion "That's Aruba."

E festival cultural a sigui cu un presentacion anima di Grupo Rejoice, cu talentonan hoben di diferente scol di Aruba cu a canta y celebra nos identidad cultural riba ritmo di polka, tumba y wals. E publico tambe a disfruta di e presentacion di Gucci Dancers, cu a yena e escenario cu energia y ritmo, preparando e ambiente pa e gran clausura musical di e anochi.

E evento a culmina cu un presentacion extraordinario di e agrupacion musical D'Nova,



cu pa prome biaha a participa den e festival Un Canto pa Aruba su Himno y Bandera y mesora a logra e titulo maximo. Hunto cu e cantante Alexa Croes, nan a conquista e publico cu e cancion ganador "Nos ta loke nos tin," un wals componi pa Jhon Freddy Tobon Montoya y aregla pa Denny Loefstop.

Reconocemento special pa Grupo Rejoice

Durante e anochi di Feria Patriotico, minister di Turismo Wendrick Cicilia a entrega un plakaat di reconocemento na Grupo Rejoice, cu e aña aki ta celebra 15 aña di alabansa, cultura y servicio na Aruba.

Grupo Rejoice a cuminsa na Hulanda entre studiantenan Arubiano y, bao liderazgo di su fundadora Zulaika "Suki" Geerman, e grupo a crece bira un presencia importante den musica di alabansa y den e escena cultural di Aruba. Awe nan ta activo den diferente parokia y eventonan cultural rond di e isla.

Den e mundo cultural, nan tambe ta conoci como "Team Blue," participando regularmente na eventonan manera Festival Un Canto pa Aruba su Himno y Bandera, caminda nan ta guia y acompaña

hopi talento hoben.

Un aspecto special di Grupo Rejoice ta nan dedicacion na desaroyo di mucha y hoben, creando y interpretando musica cu ta inspira amor pa cultura. Hunto cu Afranina "Afra" Henriquez, e grupo ta mantene un nivel halto di disciplina y calidad musical. Tur e trabou cu Rejoice ta haci, for di ensayo te presentacion, nan ta ofrece completamente gratis como un manera di duna bek na comunidad.

Den number di Gobierno di Aruba, a expresa gratitud profundo na tur grupo di baile, scol, mucha, hoben y gruponan cu a contribui na e exito di e anochi. Un danki special tambe a bay na tur e tentnan y participantenan cu a sostene y celebra nos cultura.

Feria Patriotico 2026 a demostra un biaha mas cu Carnival Village ta un luga unda e comunidad di Aruba ta reuni pa celebra su identidad y cultura den un ambiente di alegria y union.

Comunidad di Aruba ta invita pa sigui celebra durante Manifestacion Cultural dia 17 di maart 2026, aki mes na Carnival Village.



Verstappen ta retina for di Grand Prix Chines debi na fayó den motor

(NLTimes) — Max Verstappen, cuater biaha campeón mundial y piloto di Red Bull, a retina for di e Grand Prix Chines dia-domingo despues di experiencia problema cu su motor, segun oficialnan. Verstappen a dreña den pit lane cu dies buelta pa bay, terminando su careda prematuramente, RTL a reporta.

Verstappen a cay patras di e grupo despues di un comienso malo, pero poco a poco el a recupera posicionnan cu overtakes agresivo pa yega na di seis lugar. Durante e ultimo bueltanan, el a comunica via team di radio, mustrandu frustracion y segun reportahe casi pidiendo pa termina su careda prome cu tempo.

E piloto for di Limburg a critica repetidamente e motor y autonnan nobo di Formula



One den e ultimo simannan y tambe a yama su auto di Red Bull Racing “imposible pa maneha” despues di cuali-

fica diasabra. “E ta terrible, e no tin forsa,” el a bisa. “Sin-ceramente mi no sa mas kico pa bisa. Tur loke por bay malo

ta bay malo. Maneha e auto aki no ta agradable pa nada. No tin balansa y no tin grip.”

Verstappen tabatin un comienso hopi malo na Shanghai International Circuit. E piloto di Red Bull Racing a lucha pa move su auto y a cay for di ocho lugar riba e grid pa full patras di e grupo. Aunke e piloto a recupera algun posicion poco poco, ainda e tabata den puesto 11 despues di e prome pit stops. Na dado momento, ora e tabata purba pasa Arvid Lindblad di Racing Bulls, Verstappen a casi sali for di pista.

Den e ultimo parti di e careda, Verstappen a logra subi pa di seis lugar pero no a logra pasa Oliver Bearman di Haas F1 Team. Despues cu Pierre Gasly di Alpine F1 Team a pas’e cu dies buelta pa bay, tabata cla cu e auto di Red Bull no tabatin suficiente velocidad. Un Verstappen frustra despues a hiba su auto poco poco pa pit.

Kimi Antonelli a logra su prome victoria den Formula One ora el a gana e careda.

E piloto di Mercedes Team a cuminsa for di pole position y a mantene su bentaha durante 56 buelta pa reclama e victoria.

Cu 19 aña y 203 dia, Antonelli awor ta e segundo ganador di careda mas hoben den historia di Formula One. E unico piloto cu a gana na un edad mas hoben ainda ta Verstappen, ken tabatin 18 aña y 228 dia ora el a gana e Grand Prix Spaño na 2016. Antonelli tambe ta e prome Italiano cu a gana un Formula One Grand Prix desde Giancarlo Fisichella 20 aña pasa.

Pa un segundo siman consecutivo, Mercedes a logra un resultado di 1-2, repitiendo su resultado di e careda na Australia. George Russell a crusa e finish line den segundo lugar, dilanti di pilotonan di Scuderia Ferrari Lewis Hamilton y Charles Leclerc. Despues di gana e Grand Prix Australiano y e sprint race di diasabra na Shanghai, Russell awor ta lider di e campeonato despues di e prome dos caredanan.

Tabata un fin di siman desastroso na China pa McLaren, pasobra campeón actual Lando Norris y su compañero Oscar Piastri tur dos mester a perde e comienso di e careda debi na problema tecnico.

“Esaki ta hopi decepcionante,” Verstappen a bisa despues. “Mi a lucha hopi pa recupera posicionnan, pero e problema di motor a laga mi cu ningun otro opcion. Ta frustrante pa mira e careda termina asina.”

Ingenieronan di e team a confirma cu e motor tabata muestra rendimiento irregular, obligando e piloto pa stop pa motibonan di seguridad.

Potretnan di AFP.



The Birdie
CLUB HOUSE RESTAURANT

Himno & Bandera

18 March 2026

4-course Lunch & Dinner Menu for \$56

15% OFF FOR LOCALS

For reservations please call 586-7800 ext. 231 or 242
tdsba1@iberostar.com
opentable.com/thebirdie
tierradelsol.com

Keda alerta pa estafa riba rednan social!

No click riba aviso paga (sponsored ad) cu ta usando imagen di Aruba Today.
Bishita solamente e pagina oficial di Facebook, Aruba Today News, of e website
www.arubatoday.com.

Si bo haya algun problema, nos t'ey pa yuda: bondia.aruba@gmail.com



Italia lo enfrenta Venezuela den semifinal di World Baseball Classic

(AFP)—Wilyer Abreu y Maikel Garcia a batea home run mientras Venezuela a elimina campeón defensor Hapon 8-5 diasabra pa avansa na un semifinal di World Baseball Classic contra Italia, cual ainda no a perde den e torneo.

E equipo Sur Americano lo enfrenta e Italianonan dialuna na Miami pa un puesto den final di diamars contra ganador di semifinal di diasabra entre Merca y Republica Dominicana.

Hapon no a perde den e Classic desde un derota 2-1 den semifinal contra Merca na 2017, pero superstrea di Major League Baseball Shohei Ohtani no a logra hiba su pais pa e ultimo cuater.

E three-run homer di Abreu den di seis inning a pone Venezuela dilanti definitivamente y e outfielder di Boston Red Sox tabata hopi contento.

“E momento ey tabata emocionante,” Abreu a bisa. “Mi simplemente a purba empata e wega cu un sacrifice fly. El a duna mi un pitch hopi bon pa bat y mi ta hopi contento cu e swing.”

“Mi nunca no a hunga den un lugar manera esaki. E ambiente ta hopi halto. Den semifinal mi ta spera pa haci mescos cu awe.”



Den otro quarterfinal di diasabra na Houston, Italia a logra tene e bentaha hasteta final pa gana Puerto Rico 8-6 y yega semifinal di e Classic pa prome biaha.

Left-handed pitcher Ranger Suarez di Red Sox a cuminsa pa Venezuela contra right-hander Hapones Yoshinobu Yamamoto — Most Valuable Player (MVP) di World Series aña pasa cu campeón Los Angeles Dodgers.

Ronald Acuna Jr. di Venezuela, un outfielder pa Atlanta

y National League MVP na 2023, a manda e segundo pitch di Yamamoto pasa e muraya di centerfield pa un bentaha di 1-0.

Ohtani, ken ta cuatro biaha MLB MVP y dos biaha campeón di World Series cu Dodgers, a responde cu un leadoff homer den segunda mita di prome inning pa empata e wega.

Venezuela a tuma bentaha 2-1 den segundo inning cu doubles consecutivo di Ezequiel Tovar y Gleyber Torres.

Hapon a responde den tercer inning ora Sosuke Genda a haya un walk, avansando cu un bunt sacrifice y, despues cu Ohtani a haya walk intencional, a anota cu un double di Teruaki Sato na right-field line.

Shota Morishita, kende a drenta despues cu Seiya Suzuki a herida su rudia banda drechi purbando di horta e segundo base, a bat un three-run homer despues na left field pa pone Hapon dilanti cu 5-2.

Garcia a responde cu un two-

run homer den di cinco inning pa acerca Venezuela na 5-4.

E homer di Abreu despues a pone Venezuela dilanti y un eror di pitcher Atsuki Taneichi den di ocho inning a laga Tovar core for di segundo base pa aumenta e bentaha pa 8-5.

Hapon a logra pone e tying run na plate den e di ocho inning, pero no a logra anota.

Den di nueve inning, relief pitcher Venezolano Daniel Palencia a strike out Genda y Kensuke Kondoh y despues a haci Ohtani bati un fly out, dunando Venezuela e victoria.

E triunfo tambe a cualifica Venezuela pa Olimpiada di Los Angeles na 2028.

Italia “impresionante”

Un lineup componi mayormente di hungadornan naci na Merca cu origen Italiano a tuma bentaha 8-2 prome cu nan a logra mantene control te final.

“Tabata impresionante,” prome base di Italia y Kansas City Royals, Vinnie Pasquantino, a bisa.

“Ki grupo di hungador nos ta. Nos conoci otro apenas 12 dia. Ta fenomenal e trabao cu e grupo aki a haci.”

Tesfay ta establece segundo tempo mas lihe den historia di maraton na Barcelona

(AFP)—Fotyen Tesfay a core e segundo tempo mas lihe den historia di maraton femenino ora el a gana e careda na Barcelona dia-domingo.

E Etiopio di 28 aña a completa e distancia di 42,2 kilometro den 2 ora, 10 minuut y 53 seconde, den loke tabata su prome maraton competitivo.

E record ainda ta den man di coredor di Kenia Ruth Chepngetich, cu a establece esaki na Chicago na 2024, pero actualmente e ta sirbien-

do un suspension di tres aña pa doping cu a anula su resultadonan desde maart 2025 pa adelanti.

“Awe tabata fantastico — no tabata loke mi tabata espera, pero e tabata bon,” Tesfay a bisa.

“Mi plan tabata pa ataca e record mundial pero awe tabatin hopi biento y mi no a logra pusha fuerte den e ultimo parti di e careda.

“Awe mi no a logra, pero den e siguiente maraton mi kier

purba bay pa e record mundial.”

Tesfay a termina casi ocho minuut mas lihe cu coredor di Kenia Joan Jepkosgei Kiplimo, ken a keda segundo, mientras Etiopiano Zeineba Yimer a termina tercera.

Den e maraton masculino, Ugandes Abel Chelangat a gana cu un tempo di 2 ora, 4 minuut y 57 seconde, superando Kenianonan Patrick Mosion y Jonathan Samanayo Korir.



Sam Altman ta spera cu AI lo bira un servicio publico “manera electricidad of awa”

(Infobae) - E modelo cu ta ser promove pa director di OpenAI ta busca transforma inteligencia artificial den un recurso accesibel pa institucionnan y ciudadanonan.

Sam Altman, CEO di OpenAI, a propone un vision disruptivo pa futuro di inteligencia artificial (AI): converti esaki den un suministro esencial, na mesun nivel cu electricidad, awa of gas. Durante e US Infrastructure Summit organisa pa BlackRock, e directiva a presenta su idea cu AI lo opera bao di un modelo di consumo midi, unda usuarionan ta paga solamente pa loke nan usa, similar na servicio publico tradicional.



Un suministro basico y universal

Altman a defini AI como infraestructura esencial cu por integra profundamente den economia y bida diario. “Nos ta mira un futuro unda inteligencia ta un servicio publico, manera electricidad of awa, y hende ta cumpra esaki di nos cu un contador,” el a declara durante su dialogo cu Adebayo Ogunlesi, miembro di directiva di OpenAI. E vision ta implica cu acceso na inteligencia artificial lo stop di ta un privilegio reserva pa

companianan tecnologico grandi, y bira un recurso disponibel pa compania, institucion y ciudadano. Meta, segun Altman, ta pa AI yega na un grado di expansion y disponibilidad comparable cu otro servicio publico.

Abundancia como horizonte

Segun director di OpenAI, clave di e modelo ta den probecha “abundancia di inteligencia computacional.” Altman a sostene cu progreso tecnologico lo permiti,

cu tempo, ofrece capacidadnan di AI na escala grandi y cu costo abao. Citando un expresion historico di sector energetico, el a bisa cu futuro ideal lo ta logra AI “demasiado barata pa midi.”

Sinembargo, el a reconoce cu e escenario aki ainda ta enfrente reto significativo. Un di e principalnan ta dependencia riba infraestructura grandi di procesamiento y demanda halto di energia necesario pa entrena y opera modelonan avansa di AI.

Reto di consumo di energia y infraestructura

Crecemento acelera di AI ta relaciona directamente cu expansion di centronan di data (data centers), instalacionnan cu ta concentra capacidad di calculo necesario pa alimenta e sistemanan aki.

E centronan aki ta rekeri cantidad grandi di energia electrico, algo cu ta crea debate tocante impacto ambiental y sostenibilidad di su expansion den diferente region. Altman a indica cu actual-

mente modelo di negoshi di AI ta basa riba benta di unidadnan di procesamiento yama “tokens”, cu ta representa cantidad di recurso computacional usa.

Pa logra cu AI bira un bien accesibel — y no un recurso exclusivo of caro — ta esencial multiplica infraestructura existente.

Reto financiero

Desaroyo di AI como servicio publico ta involucra inversionnan multimillonario. E propio proyecto Stargate di OpenAI, enfoca riba construccion di infraestructura computacional avansa den Texas, recientemente a mester a keda reahusta debi na dificultadnan di financiamiento.

A pesar di e obstaclo nan aki, Altman ta insisti riba necesidad di acelera expansion di capacidad di procesamiento pa evita cu inteligencia artificial bira un recurso limita.

Den e contexto aki, vision di Altman ta lanta preguntanan importante tocante futuro di e sector y papel cu tanto companianan tecnologico como gobiernonnan lo mester hunga pa sigura cu inteligencia artificial bira un recurso berdaderamente universal y sostenibel.

Alcaldenan den Merca ta opone contra boom di centro di data mientras reaccion contra AI ta crece

(AFP) - Centronan di data tabata mira como un regalo. Den ciudadnan rond Merca, cada biaha mas Alcalde ta cuminsa mira nan como un problema.

Cu temporada di eleccion di medio termino acercando, promesa di companianan tecnologico grandi di trabao y ingreso di impuesto a ser reemplasa pa preocupacionnan tocante turbina di gas contaminante, red electrico sobrecarga y percepcion cu revolucion di AI ta construi riba lomba di ciudadano comun.

E tema a bira suficientemente grandi pa yega na Cas Blanco, unda presidente Donald Trump e luna aki a reuni companianan tecnologico grandi pa exige cu nan mes paga e costo exorbitante di energia necesario pa alimenta ‘data centers’ nobo cu ta ser

construi den comunidanan rond pais.

Infraestructura di AI cu ta usa hopi energia

Un di e caso cu mas ta preocupa hende ta e proyecto di xAI di Elon Musk, cual a avansa rapido den construccion di infraestructura di AI den Memphis y estado bisindario Mississippi.

Pa cubri su enorme demanda di energia, xAI tabata usando por lo menos 18 turbina di metaan den gas na su sitio den South Memphis — algun biaha sin permiso — y acusa di libera contaminacion den barionan mayormente Afro Mericano cu ya tabata sufri di contaminacion industrial.

E siman aki, autoridad ambiental di Mississippi a duna su aprobacion pa e generadornan di gas, aunke tabatin

fuerte resistencia local.

Mesora, companianan manera Microsoft, Google, Meta y Amazon ta busca lugan rond pais pa construi edificio grandi di concreto sin bentana, motiva pa e demanda enorme computacional di inteligencia artificial.

Ciudadnan ta sinti presion

Phoenix a bira un destinacion popular pa centronan di data, danki na incentivosnan di impuesto, regulacion abao y construccion di fabrica di semiconductor.

Pero alcalde Kate Gallego a bisa cu poblacion local ta cansa di mira centronan di data multiplica, presionando suministro di awa y red electrico cu ya ta cerca di su limite.

“Si diripiente tin ekipo di transmision den bo patio, pa hopi hende esey no ta haci un lugan mas atractivo,” el a bisa durante SXSW.

Problemanan cu industria no ta termina cu linea di energia. Compania di servicio publico Arizona Public Service a declara cu no por maneha tur demanda. Si tur data center cu ta solicita permiso ser aproba, demanda di electricidad lo yega 19,000 megawatt, mas di dobel di pico historico di e red.

“Nos ta den bataya constante cu nos proveedor di electricidad,” a bisa Lary Klein, alcalde di Sunnyvale den curason di Silicon Valley.

Duda creciente tocante AI Gallego a bisa cu hopi biaha e ta descubri cu un compania tecnologico a instala den su

ciudad solamente despues cu e mira lista di cliente grandi di compania di electricidad, debi na acuerdo di confidencialidad cu ta laga ciudadanonan den scuridad.

Alcaldenan ta adverti cu debate tocante centronan di data ta bira un simbolo di duda creciente di Mericanonan tocante inteligencia artificial.

Un encuesta reciente di NBC News a mostra cu 57 por ciento di votantenan registra pensa cu riesgo di AI ta mas grandi cu su beneficio, mientras solamente 34 por ciento ta pensa lo contrario.

“No mi ta contra tecnologia,” a bisa Kelly. “Pero mi ta pensa cu e ta e tipo di combersionnan cu nos mester pa compronde con nos ta maneha esaki.”

Accidente di cadena cu hende herida riba E,J, "Watty" Vos blvd. yegando rotonde Ponton



Diasabra mainta a drenta informe di un accidente cu hende herida riba E.J. "Watty" Vos blvd. yegando rotonde Ponton, mesora a dirigi tanto polis como ambulance na e sitio.

Na yegada di e patruya a bin compronde cu aki ta trata di un accidente di cadena unda un Mitsubishi Attrage a brake riba e caminda muha y a slip

debi na e yobida bay dal e Nissan Versa su dilanti y consecutivamente bay dal den e Nissan Tiida respectivamente su dilanti. Debi na e impacto fuerte tras di e Versa e chauffeur di e Attrage a resulta herida.

Na yegada di e ambulance nan a atende e dama y a transporte pa hospital.



Persona a tropica y cay for di trapi

Diadomingo marduga a drenta informe di cu un dama a tropica cay for di trapi y ta keha di dolor di lomba na un adres na Bubali, mesora a dirigi un ambulance na e sitio.

Na yegada di e ambulance nan a atende e dama y a transporte pa hospital.



Polis ta sigui cu control den trafico rond di Aruba

Diasabra merdia polis di Santa Cruz tabata para pabao di Mundo Nobo ta controlando trafico na Santa Cruz.

Nan tabata para auto pa controla diferente cos e.o. faha celular den man, velocidad, papelnan y mucho mas. Polis a laga sa cu e controlnan aki lo sigui pa mantene nos trafico sigur.



Polis y D.T.P. a subi caminda pa control na Camacuri

Den lapso di 5 minuut a lo menos 3 taxi a bira back



Diabierna atardi polis hunto cu Direccion di Transporte Publico a subi caya pa un control na Camacuri, unda varios auto a ser para y controla entre nan taxi, bus y otronan tambe.

E control tabata consisti di tur cos. Den e lapso di menos di 5 minuut por a mira a lo menos 3 taxi bira bay back pa evita e control.

Victima a cay y kap cabes durante un pelea/maltrato na Palm Beach



Diadomingo mainta a drenta informe di un caso di pelea unda un bringado a dal e otro un mokete a consecuencia di esaki e homber a cay kap su cabes y haya un bolobonchi, mesora a dirigi tanto polis como ambulance na e sitio.

Na yegada di e patruya a bin compro-

nde cu un rato prome tabata tin un pelea unda un di e bringadornan a dal e victima un mokete te cu ela cay patras dal su cabes te kap e, ademas di a haya un bolobonchi cu a medio mand'e for di tino pa un rato.

Na yegada di e ambulans nan a atende y a transporte pa hospital.

Persona a intoxica cu alcohol te cu el a haya problema pa hala rosea



Diadomingo madruga a drenta informe di cu tin un dama di 22 aña lo a intoxica su mes cu demasiado alcohol y tabata tin problema pa hala rosea banda di lama pariba di Divi-Phoenix, mesora a dirigi tanto polis como ambulance na e sitio.

Na yegada di e patruya a bin compronde cu e dama aki lo a bebe demasiado alcohol te pa a intoxica su mes hayando problema pa hala rosea.

Na yegada di e ambulance nan a atende y a transporte pa hospital.



Persona a bira malo na Dunkin Donuts di Tanki Flip

A drenta notificacion informando cu ta rekeri presencia di ambulance na Dunkin Donuts di Tanki Flip.

Na yegada di ambulance, a informa cu un persona di 24 ana di edad a bira malo y tabatin problema pa hala rosea.



Ambulance a bay cu urgencia na Papilon pa un mucha di 5 aña

Diadomingo mainta a drenta informe di cu na Papilon un mama ta ya desespera pidiendo un ambulance cu urgencia pa su yiu muhe di 5 aña cu no ta reacciona verbal, no ta bij y ta birando hopi bleek maske e ta halando rosea,

mesora a dirigi un ambulance na e sitio.

Na yegada di e ambulance nan a tuma e mucha, atende y transporte mesora pa hospital.



Kazajistan ta vota riba reforma constitucional



(AFP)—Habitantenan di Kazajistan a cuminsa vota diadomingo den un referendum constitucional cu autoridadnan ta presenta como un paso pa mas democracia — aunke varios di e amiendanan proponi ta muestra cu poder presidencial por bira mas fuerte den e pais mas rico di Asia Central.

E votacion riba cambio di rond di 80 porciento di ley-nan basico di e pais a ser promovi pa presidente Kassym-Jomart Tokayev, kende ta busca equilibra relacionnan di e ex-Republica Sovietico rico den recursonan entre Union Europeo, Rusia y China.

Mas cu mitar di e aproximadamente 12,5 miyones

votador registra di e pais ya a deposita nan voto te 2:00 di atardi ora local, segun autoridadnan electoral.

Despues di e protestanan na 2022 riba costo di bida cu a escala pa disturbionan y a laga 238 morto, e presidente a priminti pa liberalisa e sistema politico pa construi un “Kazajistan husto.”

Anunciando e amiendanan na februari, el a bisa: “Kazajistan ta bay for di un forma di gobierno super-presidencial y ta transicionando pa un republica presidencial cu un parlamento fuerte.”

Tokayev, un ex-diplomaat educa den epoca Sovietico cu ta papia Chines vlot, a bisa cu su propuestanan lo crea esencialmente un “sistema nobo di gobernacion estatal” cu lo “permiti redistribucion di poder” y “fortalece e sistema di control y balansa.”

Sinembargo, varios di e propuestanan ta indica lo contrario: e presidente lo por nombra funcionarionan di alto rango manera hefenan di banco central, servicionan di inteligencia y corte constitucional.

Actualmente e posicionnan aki ta rekeri aprobacion di Senado, e camara halto di parlamento, cual lo ser elimina bao di e amiendanan.

Na su lugar lo crea un asamblea nobo di un solo camara,



yama Kurultai. Pero hefe di estado lo por dissolve esaki y goberna cu orden ehecutivo si parlamento rechasa nominacionnan presidencial pa posicionnan clave dos biaha.

E amiendanan tambe ta provee un restriccio mas fuerte riba libertad di expresion, bisando cu esaki no mester “mina moralidad di sociedad of viola orden publico,” segun e texto preliminar.

Criticonan a ser deteni

Manifestacionnan — cual ya ta incomun na Kazajistan — tambe por enfrenta mas limitacionnan.

E reforma constitucional amplio a ser proponi apenas un luna pasa y despues a pasa rapidamente durante un campaña di apenas dos siman, unda tabatin poco critica.

Observadornan internacional ta bisa cu eleccionnan na Kazajistan hopi biaha ta predecible y generalmente ta confirma decisionnan ya tuma pa e liderazgo, manera ta pasa den gran parti di Asia Central post-Sovietico.

Tokayev ta presenta su mes como un reformador cu ta busca pa kibra cu e pasado autoritario di e pais, pero organisacionnan di derecho humano ta bisa cu institucionnan democratico ainda ta bao control estricto.

Pa aumenta participacion y apoyo pa e referendum, autoridadnan a involucra atletanan famoso y a mobilisa trahadornan den industria di mineria y petroleo — dos sector importante di economia Kazajo.

Varios critico di e reformanan a ser convoca pa polis of deteni brevemente, mientras periodistanan cu a publica encuestanan di opinion independiente a haya boet.

Resultado Sorteo 14 y 15 maart 2026																																							
Cadena Alexander Lottery ta presenta resultado di weganan di suerte																																							
<table><tr><th>DIARIO</th><th>KORSOU</th><th>SUPER4</th><th>FLAMINGO</th></tr><tr><td>9865</td><td>3409</td><td>8299</td><td>8223</td></tr><tr><td>1594</td><td>4192</td><td>SUPER5</td><td>8005</td></tr><tr><td>6303</td><td>9986</td><td>-</td><td>9826</td></tr></table>		DIARIO	KORSOU	SUPER4	FLAMINGO	9865	3409	8299	8223	1594	4192	SUPER5	8005	6303	9986	-	9826	<table><tr><th colspan="4">DIADOMINGO</th></tr><tr><th>DIARIO</th><th>KORSOU</th><th>SUPER4</th><th>FLAMINGO</th></tr><tr><td>6112</td><td>2991</td><td>2808</td><td>8714</td></tr><tr><td>3562</td><td>6371</td><td>SUPER5</td><td>2529</td></tr><tr><td>4977</td><td>3203</td><td>-</td><td>6417</td></tr></table>		DIADOMINGO				DIARIO	KORSOU	SUPER4	FLAMINGO	6112	2991	2808	8714	3562	6371	SUPER5	2529	4977	3203	-	6417
DIARIO	KORSOU	SUPER4	FLAMINGO																																				
9865	3409	8299	8223																																				
1594	4192	SUPER5	8005																																				
6303	9986	-	9826																																				
DIADOMINGO																																							
DIARIO	KORSOU	SUPER4	FLAMINGO																																				
6112	2991	2808	8714																																				
3562	6371	SUPER5	2529																																				
4977	3203	-	6417																																				
<table><tr><th colspan="2">MERDIA</th><th colspan="2">ANOCHI</th><th colspan="2">DIADOMINGO MERDIA</th></tr><tr><td> Sorteo # 4918 9479 5142 9519  FP  Sorteo # 4918 5842  X2  Sorteo # 2974 6170  Sorteo # 4918 9039 Leo  Sorteo # 1792 161  X2</td><td> Sorteo # 8800 3061 5652 4672  X2  Sorteo # 7844 9153  FP  Sorteo # 2549 1678  Sorteo # 6603 4790 Piscis  Sorteo # 1533 300  FP</td><td> Sorteo # 2679 0 x Jackpot 0 x Match 4+ 7 x Match 4 206 x Afl. 12,00  Sorteo # 7124 0 x Jackpot 9 x Match 4 147 x Afl. 8,00  Sorteo # 0 x Jackpot 2 x match 4 70 x Afl. 500,00 70 x Afl. 50,00 84 x Afl. 15,00  Sorteo #  Sorteo # </td><td>05-06-10-14-35 Joker 32 Letter I Proximo Jackpot 270.000,- 04-11-22-24-28 Proximo Jackpot 52.000,- Mega Ball Proximo Jackpot 340.000,- Afl. 500.000,- Sorteo # </td><td> Sorteo # 4919 4588 3062 1457  X2  Sorteo # 4919 9724  X2  Sorteo # 2975 3854  Sorteo # 4919 3805 Leo  Sorteo # 1793 987  X2</td><td> Sorteo # 0 x Jackpot 0 x Match 4+ 0 x Match 4 0 x Afl. 12,00  Sorteo # 7125 0 x Jackpot 7 x Match 4 142 x Afl. 8,00  Sorteo # 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00  Sorteo #  Sorteo # </td><td>Joker Letter Proximo Jackpot 270.000,- 03-09-10-12-26 Proximo Jackpot 53.000,- Mega Ball Proximo Jackpot 340.000,- Afl. 500.000,- Sorteo # </td></tr></table>		MERDIA		ANOCHI		DIADOMINGO MERDIA		 Sorteo # 4918 9479 5142 9519  FP  Sorteo # 4918 5842  X2  Sorteo # 2974 6170  Sorteo # 4918 9039 Leo  Sorteo # 1792 161  X2	 Sorteo # 8800 3061 5652 4672  X2  Sorteo # 7844 9153  FP  Sorteo # 2549 1678  Sorteo # 6603 4790 Piscis  Sorteo # 1533 300  FP	 Sorteo # 2679 0 x Jackpot 0 x Match 4+ 7 x Match 4 206 x Afl. 12,00  Sorteo # 7124 0 x Jackpot 9 x Match 4 147 x Afl. 8,00  Sorteo # 0 x Jackpot 2 x match 4 70 x Afl. 500,00 70 x Afl. 50,00 84 x Afl. 15,00  Sorteo #  Sorteo # 	05-06-10-14-35 Joker 32 Letter I Proximo Jackpot 270.000,- 04-11-22-24-28 Proximo Jackpot 52.000,- Mega Ball Proximo Jackpot 340.000,- Afl. 500.000,- Sorteo # 	 Sorteo # 4919 4588 3062 1457  X2  Sorteo # 4919 9724  X2  Sorteo # 2975 3854  Sorteo # 4919 3805 Leo  Sorteo # 1793 987  X2	 Sorteo # 0 x Jackpot 0 x Match 4+ 0 x Match 4 0 x Afl. 12,00  Sorteo # 7125 0 x Jackpot 7 x Match 4 142 x Afl. 8,00  Sorteo # 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00  Sorteo #  Sorteo # 	Joker Letter Proximo Jackpot 270.000,- 03-09-10-12-26 Proximo Jackpot 53.000,- Mega Ball Proximo Jackpot 340.000,- Afl. 500.000,- Sorteo # 																									
MERDIA		ANOCHI		DIADOMINGO MERDIA																																			
 Sorteo # 4918 9479 5142 9519  FP  Sorteo # 4918 5842  X2  Sorteo # 2974 6170  Sorteo # 4918 9039 Leo  Sorteo # 1792 161  X2	 Sorteo # 8800 3061 5652 4672  X2  Sorteo # 7844 9153  FP  Sorteo # 2549 1678  Sorteo # 6603 4790 Piscis  Sorteo # 1533 300  FP	 Sorteo # 2679 0 x Jackpot 0 x Match 4+ 7 x Match 4 206 x Afl. 12,00  Sorteo # 7124 0 x Jackpot 9 x Match 4 147 x Afl. 8,00  Sorteo # 0 x Jackpot 2 x match 4 70 x Afl. 500,00 70 x Afl. 50,00 84 x Afl. 15,00  Sorteo #  Sorteo # 	05-06-10-14-35 Joker 32 Letter I Proximo Jackpot 270.000,- 04-11-22-24-28 Proximo Jackpot 52.000,- Mega Ball Proximo Jackpot 340.000,- Afl. 500.000,- Sorteo # 	 Sorteo # 4919 4588 3062 1457  X2  Sorteo # 4919 9724  X2  Sorteo # 2975 3854  Sorteo # 4919 3805 Leo  Sorteo # 1793 987  X2	 Sorteo # 0 x Jackpot 0 x Match 4+ 0 x Match 4 0 x Afl. 12,00  Sorteo # 7125 0 x Jackpot 7 x Match 4 142 x Afl. 8,00  Sorteo # 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00  Sorteo #  Sorteo # 	Joker Letter Proximo Jackpot 270.000,- 03-09-10-12-26 Proximo Jackpot 53.000,- Mega Ball Proximo Jackpot 340.000,- Afl. 500.000,- Sorteo # 																																	



Cas Di Cultura

Vondellaan 2 Aruba
297-582-1010

F A D A

Campanastraat 5 Aruba
297-583-2999
297-583-9610

F A V I

Primavera 233 Aruba
297-582-5051
297-582-5222

F E P O

Engelandstraat 15 Aruba
297-583-1016
297-583-6607

**Fundacion Contra
Violencia Relacional**
Tel: 583-5400

Fundacion Autismo Aruba

Irenestraat 21 Aruba
297-588-1179

Fundacion Pa Nos Muchanan

Cumana 2 Aruba
297-583-4247

Fundacion Tel Pa Hubentud

Wilhelminastraat 19
Aruba
297-588-6138

Koningin Wilhelmina Fonds

Spinozastraat 9 Aruba
297-582-0412

Mary Joan Foundation
Sabana Blanco 8 Aruba
297-588-9999

Rode Kruis Aruba

Pedro Gallegostraat 14
Tel. 297-582-2219
Fax 588-3376

Famia Planea (SBVO)

Avenida Milio J Croes 17
B Aruba
297-588-9591
www.famiaplanea.org
famiaplanea@hotmail.com

Stichting Fundacion Guia Mi

George Madurostraat 34
297-582-0088

Y M C A

Calbasstraat 1 Aruba
297-582-3072

AL-ANON group

Sabana Liber #8, Noord
(close to the hotels)
Tel: 736-2952 or
593-7081



Dokter na warda

Oranjestad San Nicolas
Hospital Imsan
7:00 pm / 10:00 pm 24 ora

Botica na warda

Oranjestad: San Nicolas:
Sta. Anna : Centro Medico:
Tel. 586 8181 Tel. 584 5794

EMERGENCIA 911

POLIS

Oranjestad	100
San Nicolas	104
Santa Cruz	105
Noord	107
Tip Line	11141
Brandweer	115
Ambulance	911
Hospital	527-4000
Imsan	524-8833
Warda Costa	913
Seguridad Nacional	11911
Cruz Cora	582-2219

BOTICA

Aloe	584-4606
4 Centro Medico	584-5794
Central	585-1965
Dakota	588-7364
Del Pueblo	582-1253
Eagle	587-9011
Kibrahacha	583-4908
Maria	585-8145
Di Servicio Noord	586-4606
Oduber	582-1780
Paradera	588-6638
San Lucas	584-5119
Santa Anna	586-8181
Santa Cruz	585-8028
Sero Preto	584-4833
Trupial	583-8560

UTILIDAD

Setar	117
Web	525-4600
Elmar	523-7147

FUNERARIA

Aurora	588-6699
Royal Funeral H.	586-4444
Ad Patres	584-2299
Olive Tree	584-8888

**Aruba Transfer Tour &
Taxi C.A.**
Tel: 582 2116 / 582 2010

Taxi Adres Services (24h)
Tel. 587 5900

A1 Taxi Services Aruba
Tel: 587-8850
Tel: 280-2828
Whatsapp: 592-7024

Iran ta anuncia aumento di salario minimo cu 60%

(AFP) - Iran su minister di Labor a anuncia un aumento di mas di 60% na salario minimo, media local a reporta diadomingo, lunanan despues di manifestacionnan anti-gobierno cu a cuminsa como un expresion di malcontento cu e situacion economico precario.

E pais ta ahustando su salario minimo anual pa cubri inflacion, cual a subi bao sancionnan internacional den e lunanan prome cu e guerra andando entre Iran y su enemigonan Israel y Merca.

Un rapport di e agencia di noticia Tasnim, citando e minister di Labor a bisa cu "cu aprobacion di gobierno," e salario minimo mensual lo aumenta for di 103 miyon rial



ten a 166 miyon den e ana di kalender Persa binidero, cual lo cuminsa den algun dia.

E moneda Irani ta mercadia na alrededor di 1.47 miyon rial pa dollar, segun e website cu ta monitor Bonbast.

Manifestacionnan economic a surgi den December di ana pasa, causa pa e costo di bida halto y e caida di e moneda nacional.

Pronto nan a evoluciona den un movement nacional cu ta haci yamado pa un fin na e pais su liderazgo cleric cu tan a luga desde e revolucion Islamico den 1979.

Autoridadnan a lansa accion contra e manifestacionnan cu gruponan defensor di derecho ta bisa a laga miles di persona fayeci, causando cu president di Merca, Donald Trump, a menasa cu interveni cu chercito.

Trump su metanan declara pa lansa e campana contra Islamic Republic desde e tempo aki a cambia, aunke den varios ocasion el a haci yamado na Irani nan pa tuma e oportunidad y tuma control di nan pais.

Pronostico di tempo

Tempo:

Awe tardi y awe nochi:
parcialmente nubia cu un awasero pasahero
Den marduga y mayan:
parcialmente nubia cu un awasero pasahero

oost; forsa 4 te 5 (20 te 39 km/ora, 11 te 21 nudo).
Durante di dia fuerte te posiblemente duro den rafaga; forsa 6 te 7 (40 te 61 km/ora, 22 te 33 nudo)

Situacion general di tempo:

E area di presion halto riba Atlantico a bolbe cuminsa bira fuerte y lo sostene un biento modera te basta fuerte, tin bes fuerte te posiblemente duro den rafaga. Di otro un banda por bisa cu humedad den e biento lo produci areanan di nubia cu por induci un awasero breve durante e periodo di pronostico aki.

Temperatura maximo 32 grado celsius

Temperatura minimo 26 grado celsius

Indice di calor (heat index) den y rond di oranan di merdia: 33 pa 37 grado celsius

Uv index: 12

Bahada di solo : 6:50pm
Subida di solo : 6:46am

Biento:

Moderate te basta fuerte for di direccionnan generalmente

Condicionnan maritimo/ estado di lama:

Na partinan proteje di costa: keto cu olanan rond di 1 pia. Na partinan zuid proteje:



trankil, 1 te 2 pia. Na partinan zuid no proteje: trankil te modera cu olanan di 2 te 3 pia.

Na partinan oost te noordwest di costa: generalmente modera cu olanan alrededor di 4 pa 6 pia, localmente 7 pia.

Aviso/ alerta:

Operadornan di boto chikito mester bay cu cautela na partinan oost te noordwest di costa.

Aurora

Royal Pray

Funeral Home & Crematory

Dios lo habri porta pa bo.
I nos sa ku den tur kos Dios ta traha pa e bon di esnan ku ta stim'E.
Romano 8:28

Cu inmenso tristeza den mi curazon, pero conforme cu boluntad di Dios, Mi ta participa fayecimiento di mi Esposo:



Herbert Winfield Croes

Mihor conoci como: "Boei"
*16-10-1956 - †06-03-2026

Na number di su **esposa**:
Erna Croes-Boekhoudt

Mayornan:

†Herbert Sydney Croes y †Elena (Ellen) Croes-Raven

Suegro y Suegra:

†Basilio Boekhoudt y †Ana Maria Boekhoudt-Croes

Rumannan:

Helen (Heddy) y Frederic Muskus-Croes
Esther Madeline Croes y yiu
Dan Milstein
Richard (Darrel) Milstein y Monica Areliano
† Elaine Silvia Croes
Grecelle y Dady Roos-Croes y yiu
Murielle y Patrick Brown-Roos y yiu
Thomas y Laura
Amy Roos y yiu
Nina, Gabriella y David

Su tantanan y omonan:

† Aquiles y Jane Raven-Arends y famia
† Ada y † Edward de Haseth-Raven y famia
† Albert y Evelina Raven-Arends y famia
Judith y Frans de Vries-Raven y famia
† Violet y † Adrianus Polviet-Croes y famia
† Daisy y † Juan Chabaya (Padu) Lampe-Croes y famia

Cuñanan:

Betty y † Alejandro (Janjo) Boekhoudt y yiu
Raymond y Haidy Boekhoudt-Alfaro Luna y yiu
Alejandra y Daniela
Mariska y Michael Lin-Boekhoudt y yiu
Michelle y Jonathan
Alvin y Jessica Boekhoudt-Kelly y yiu
Dylan y Jeslenne
Irma Boekhoudt
† Chimina y †Jaty Thijzen y yiu
Dennis y Gina Thijzen-Jansen y yiu
Tanisha y Jesmira
Milton y Amparo Thijzen-Alzate y yiu
Anton y Jenny
† Aura y †George Nicolaas
Louisa (Lucia) y Ronny Arends y yiu
Ricky y Jennifer Arends-Reyes y yiu
Charlotte
† Elka Boekhoudt

Demas Famia: Croes, Boekhoudt, Raven, Arends, Muskus, Roos, Milstein, Brown, Irausquin, Areliano, Lampe, Polviet, Thijzen, Nicolaas, de Haseth, de Vries, Trinler, Henriquez, Eman

Na tur su bon amigonan cu ta hopi pa menciona.

Na Trinity Quality Care pa su bon servicio: Kim, Melissa, Marlene, Farshjana, Desi, Inge, Nathalie, Judith, Suze

Acto di entierro lo ta tuma lugar diasabra 21 maart 2026 den Kerki Protestant na Playa. E restonan mortal di mi querido esposo Herbert Winfield (Boei) Croes lo reposa for di 9.00 am pa 11.30 a.m di mainta y depues pa Santana Protestant den Caya Ernesto Petronia.

Mi ta lamenta cu despues di entierro mi no por ricibi condolencia na cas.

Si en caso den mi tristeza mi por a lubida algun persona of famia, mi ta pidi mi mas sincero disculpa

Aurora

Royal Pray

Funeral Home & Crematory

"Wat op liefde gebouwd is, kent geen vergeten."

Cu inmenso tristeza y profundo dolor na nos curason, pero conforme cu boluntad di Dios nos ta participa fayecimiento inesperadamente di:



Mr. Orlando Edmund Lo-Fo-Sang

Mihor conoci como: "Meneer Lo-Fo-Sang"
*10-09-1951 - †10-03-2026

Na number di su:

Esposa: Catarina Lo-Fo-Sang-Zievinger

Yiunan:

Delano Kross, esposa y yiu
Jaiden Lo-Fo-Sang, pareha y yiu
Garrick Loefstok y yiu

Mayornan:

† Ilse Harriette Samson
† Paul Lo-Fo-Sang

Rumannan:

Annemarie Ilse Lo-Fo-Sang y famia
Ilsemarie Eleonora Lo-Fo-Sang y famia
Jacqueline Elisabeth Lo-Fo-Sang

Prima y primonan:

Maria Monsanto (na Hulanda)
Kenneth Samson y famia
Leo Samson y famia

Suegra y suegro:

†Reginalda y †Bonifacio Zievinger-Klepper

Cuña y swanan:

Miguel, esposa Vilma y yiu
Angela (Maria) Zievinger
Reina, esposo Isidro y yiu
Juanita, esposo Jovito y yiu
Magdalena, esposo Wilfrano y yiu
Pedro Zievinger
Francisco (Frans), esposo Mayra y yiu

Amigonan di cas:

Michael Bierfliet (na Suriname)
Buchi (Alberto) La Veist
Harold Rafini

Ex-coleganan di Emma School, Pieter Boer, J.F.K. School, y E.P.B. Hato

Demas famia: Lo-Fo-Sang, Zievinger, Samson, Kross, van der Maarel, Ng, Klepper, Henriquez, Boekhoudt, Quintero, Tromp, Guerra

Disculpa nos si den nos tristeza nos por a lubida riba un of otro famia.

Oportunidad pa condolencia lo tuma lugar diahuebs 19 di maart 2026 di 7:00 pa 9:00 pm na Aurora Funeral Home.

Ta invita pa e acto di despedida cu lo tuma lugar diabierna 20 di maart 2026 na misa Santa Filomena di 9:00 am pa 11:00 am, sigi pa e acto di entierro na Santana Pastor Kranwinkiel na Paradera.

Despues di entierro lo no bay ricibi bishita na cas.

Merca ta ofrece recompensa di \$10 milyon pa informacion riba lidernan principal di Iran



(AFP)—E Departamento di Estado di Merca a ofrece un recompensa di \$10 milyon diabierna pa informacion tocante e lider supremo nobo di Iran, Mojtaba Khamenei, y otro funcionarionan di alto rango.

Minister di Interior di Iran Eskandar Momeni y minister di Inteligencia y Seguridad Esmail Khatib tabata entre e 10 individuo riba e lista di Departamento di Estado.

"E personanan aki ta comanda y dirigi varios elemento di e Guardia Revolucionario Islamico di Iran (IRGC), cu ta planea, organisa y ehecuta accionan di terorismo rond mundo," Departamento di Estado a bisa.

E institucion a urgi esnan cu tin informacion pa manda esaki via Tor of Signal, y a bisa cu "bo informacion por haci cu bo bira elegible pa resocialisacion y un recompensa."

E programa "Rewards for Justice" di Departamento di Estado ta ofrece placa pa informacion cu ta conduci na e captura of procesamiento hudicial di individuonan busca pa ley.

Tata di Mojtaba Khamenei, Ali Khamenei, a muri den un bombardeo riba 28 di februari na comienso di e guerra entre Merca y Israel contra Iran.

Aurora

Royal Pray

Funeral Home & Crematory

Mira con Dios a salba mi,
Tur mi confiansa ta den djE,
Mi n' tin miedo:
Señor Dios ta mi forsa, mi refugio.
E mes t'Esun cu a salba mi.
Isaías 12:2



Cu dolor na nos curason, nos ta anuncia fayecimiento cristianamente di nos ser stima:

Sr. Dominico Kelly

Cariñosamente yama "Nicki"
*20-03-1933 - †11-03-2026

Famia ta invita pa acto di condolencia y despedida cual lo tuma lugar na Royal Funeral Home diamars 17 di maart 2026 di 2or pa 4or di atardi.

Cremacion lo tuma lugar den seno familiar.

Moldova ta emiti alerta di derame di petroleo despues di atake di Rusia riba Ucrania



(AFP)—Moldova a activa un alerta ambiental despues di un derame di combustible den riu Dniester cu a ser causa pa un atake militar di Rusia den Ucrania, gobierno a bisa diadomingo.

Autoridadnan a “declara un estado di alerta ambiental den cuenca di riu Dniester pa 15 dia, efectivo 16 di maart 2026,” centro gubernamental di maneho di crisis CNMC a bisa den un declaracion.

Ta pensa cu e derame di combustible a ser causa pa un atake di Rusia riba e Planta Hidroelectrico di Dniester na Ucrania riba 7 di maart.

Autoridadnan Ucrania a reporta prome contaminacion den e riu riba 10 di maart cerca di Lyadova y otro comunidadnan, y nan a yama e incidente un “manifestacion di agresion ambiental di Rusia.”

E contaminacion a move rapidamente den riu pa yega Moldova, unda teamnan di emergencia a instala bareranan absorbente y a pidi residentenan sigui e guia oficial mientras e situacion ta keda instabil.

Autoridadnan Moldavo a urgi varios comunidad pa no bebe awa, no usa awa di riu Dniester pa cushina of pa ningun otro uso te proximo aviso, y den algun area suministro di awa a ser suspendi.

Cantidad exacto di combustible cu a derama ainda no ta conoci, pero autoridadnan Ucrania a describi e incidente como un “leak di escala grandi.”

Rumania a manda un team di emergencia di 10 persona pa e area riba 14 di maart cu equipo y material specialisa despues cu Moldova a pidi asistencia formalmente di Union Europeo.

E estado di alerta anuncia diadomingo ta “un medida preventivo cu ta permiti estadonan actua rapido y den un manera coordina pa protege salud publico, medio ambiente y infraestructura di suministro di awa,” CNMC a bisa.

Tanto Ucrania como Moldova a enfatisa cu riu Dniester ta un fuente critico di awa, y cu substancianan basa riba petroleo ta menasa bida acuatico pasobra nan ta blokia oxigeno y luz.

Minister di Medio Ambiente Gheorghe Hajder a acusa Rusia di ta “e unico responsable pa e contaminacion.”

“Loke nos ta mira awe no ta un accidente natural, sino e consecuencia directo di e guerra na nos frontera,” el a bisa.

UN ta entrega ayudo di emergencia na Afganonan desplasa pa conflicto cu Pakistan

(AFP)—e Programa Mundial di Cuminda (WFP) di UN a bisa diadomingo cu el a cuminsa entrega cuminda na mas cu 20.000 famia Afgano cu a keda desplasa pa e conflicto cu Pakistan, advertiendo cu “mas instabilidad lo pusha miyones mas profundo den hamber”.

Famia cu a huy di nan cas inicialmente lo ricibi bucuchi fortifica pa enfrenta hamber “urgente”, cu racionnan cla pa come destina pa yuda personanan forsa pa huy y cu tin acceso limita na facilidatnan pa cushina.

Den e simannan cu ta bin, e famianan mas vulnerable lo ricibi ayudo adicional, incluyendo dos luna di cuminda of apoyo monetario, e agencia di UN a bisa.

Simannan di enfrentamento na frontera entre Afganistan y Pakistan a intensifica atrobe desde 26 di februari.

Islamabad ta acusa Afganistan di no tuma accion contra gruponan militante cu ta haci atakenan den Pakistan, acusacion cu gobierno Taliban ta rechasa.

UN a bisa diabierna cu por lo



menos 75 civil a muri y 193 a resulta herida na Afganistan como resultado di e enfrentamentonan.

“A pesar di condicionnan peligroso den e area, WFP a reanuda operacionnan den gran parti di area di frontera,” e agencia a bisa den un declaracion.

“Afganistan ta keda entre dos conflicto, y cualkier instabilidad adicional lo pusha miyones mas profundo den hamber mientras e ta aumenta presion riba un region cu ya ta na punta di crisis,” John Aylieff, director di pais di WFP na Afganistan, a enfatisa.

Afganistan tambe tin frontera cu Iran, cual ta blanco di

atakenan di Merca y Israel, forsando retorno di migrantenan Afgano pa nan pais.

Casi mitar di Afganistan — 21,9 miyon persona — lo mester ayudo humanitario e aña aki, UN a bisa prome cu e conflicto cu Pakistan a intensifica.

“E escalacion di conflictonan den Medio Oriente” y e cerasamento di frontera Afganistan-Pakistan desde october aña pasa ta presenta “desafionan serio” pa respuesta humanitario, WFP a subraya.

E agencia di UN ta purba sigura un ruta alternativo pa suministro pa Afganistan via Turkia, Georgia, Azerbaijan, Lama Caspio y Turkmenistan.

Vietnam cu un solo partido ta tene eleccion parlamentario



(AFP)—Votadornan na Vietnam a entrega nan voto diadomingo pa miembronan di Asamblea Nacional, e cuerpo legislativo mas halto di e pais cu principalmente ta sirbi pa ratifica decisionnan di e Partido Comunista cu ta gobierna.

E pais di Zuidoost Asia cu tin 100 miyones habitante ta tanto un historia di exito economico — cu un crecimiento di ocho por ciento aña pasa — como tambe un estado represivo cu un solo partido cu hopi biaha ta manda su criticonan pa prison. For di e 864 candidato pa 500 asiento den parlamento, apenas 65 no ta miembro di e Partido Comunista — menos cu 74 den e eleccion anterior cinco aña pasa. Bandera patriotico cora y geel a bula for di palo

di luz y luz di trafico den capital Hanoi, mientras riba red social hopi usuario a publica potret di nan certificado di voto, mustrand cu nan a cumpli cu nan deber civico.

Pero den un pais unda politica principal y proyectonan grandi ta ser dicidi pa kadernan halto di e partido, hopi ciudadano no ta hopi entusiasma pa bay vota.

“E eleccionnan aki ta mescos pa añas. Mi no sa hopi tocante esnan pa ken mi a vota,” empleado di un tienda di cuminda Nguyen Thi Huong a bisa na Hanoi.

“Pero ken ta worry. Mi ta kere nan tin educacion mas halto awor pues nan lo haci algo bon pa e pais y pa e pueblo,” e muher di 52 aña a agrega.

Media estatal a bisa cu mas cu 99 por ciento di 79 miyones votador eligibile ya a entrega nan voto te diadomingo anochi — un nivel di participacion oficialmente hopi halto manera ta usual.

Centro di votacion tabata programa pa cera oficialmente na 7:00 di anochi, unda no ta anticipa resultadonan pa por lo menos un siman.

Dos ruman aresta na Francia pa complot jihadista, fiscalnan ta bisa

(AFP)—Un estudiante di ingenieria di 22 aña y su ruman di 20 aña a ser aresta na Francia riba sospecha di un complot “mortal y antisemitico,” fiscalnan anti-terrorismo a bisa diadomingo.

E dos ruman, ken tin nacionalidad Italiano y Marocano, a ser aresta diamars den norte di Francia, segun e oficina nacional di fiscal pa anti-terrorismo (PNAT).

E rumannan, identifica solamente como Elyasse H y Moad H, a ser aresta ora nan tabata den un auto cerca di un prison den ciudad di Longuenesse, despues cu a reporta un drone bulando riba e prison.

Den nan vehiculo, polis a descubri un arma semi-automatico, un boter di acido hidroclico, papel di aluminio y un bandera di grupo jihadista Estado Islamico extendi riba e dashboard di e chauffeur.

Mientras nan tabata den custodia di polis, e rumannan a admiti cu “nan tabata planeando un atake terorista na Francia



pa cual nan tabata aspira martirio,” PNAT a bisa.

Segun e declaracion, e hombernan tabata radicalisa y exponi na propaganda jihadista.

Fiscalnan a bisa cu analisis di materialnan confisca ta indica cu e rumannan a radicalisa durante e ultimo dos añanan y a tuma pasonan pa comete

“un complot terorista unda su caracter mortal y antisemitico ta muestra cla.”

Nan a bisa cu e rumannan presuntamente a planea pa comete un crimen na Francia pasobra no tabata posible pa biaha pa Siria of Palestina pa “comete jihad.”

Un video unda Moad H ta

hura lealtad na e grupo Estado Islamico, graba mas tempran e luna aki, tambe a ser descubri.

Segun PNAT, e tabata “den contacto cu varios individuo cu ta radicalisa of cu ta bao investigacion of condena pa delito terorista.”

“Combersacionnan cu varios contacto via servicio di men-

sahe encripta den dianan y simannan prome cu nan aresto, specialmente pa busca pistolnan of rifle di asalto, ta indica cu un acto violento tabata inminente,” e oficina a agrega.

Den otro potret y videonan, “nan ta para cu arma di fuego of ta muestra cuchiu, bisti manera combatiente, cu nan dede indice lanta pa shelo dilanti di e bandera di Estado Islamico.”

Un investigacion a habri diadomingo pa conspiracion criminal pa comete terrorismo, ademas di compra y posesion ilegal di arma. Oficina di fiscal a pidi pa e dos ruman ser acusa y manteni den detencion.

E rumannan a yega Francia hunto cu nan mayor na 2017.

Durante interrogacion, nan a admiti cu nan a duna lift na un menor di edad pa sigura un entrega na e prison via drone.

Autoridadnan Frances ta bisa cu e drone anteriormente a ser usa pa entrega snacks, droga y hasta blade na detenido den prison.

Iran ta adverti contra un guerra mas amplio mientras Trump ta pidi aliadonan escolta barco

(AFP)—Iran diadomingo a adverti paisnan pa no involucra den su guerra cu Merca y Israel, despues cu presidente Donald Trump a urgi potencianan mundial pa escolta tankernan di petroleo den e estrecho strategico di Hormuz den e Golfo.

Teheran tambe a manda un mensahe fuerte na su bisiñanan Arabe, bisando nan cu e republica Islamico tin loke su minister di Exterior a yama “prueba abundante” cu basenan di Merca riba nan territorio ta ser usa pa lansa atakenan. “E guerra aki lo termina ora nos ta sigur cu esaki no lo ripiti y cu reparacionnan ser paga,” minister di Exterior di Iran Abbas Araghchi a bisa plataforma di noticia na idioma Arabe Al-Araby Al-Jadeed.

“Nos a experiencia esaki aña pasa: Israel a ataca, despues Merca,” el a bisa, recordando e guerra aereo di 12 dia na juni aña pasa cu brevemente a desplega forsanan di Merca pa un anochi di atakenan riba sitionan nuclear di Iran. Prijs di energia a subi rond mundo desde cu Iran a reacciona na

e campaña nobo di Merca-Israel door di menasa trafico maritimo den Estrecho di Hormuz, unda normalmente 20 porciento di exportacion mundial di petroleo y gas ta pasa pa mercado global.

Trump a reacciona door di urgi “China, Francia, Hapon, Corea di sur, Reino Uni y otro paisnan” pa manda barco pa escolta tankernan, mientras e ehercito di Merca ta sigui ataca sitionan di lansa drone, boto y misil na e costa norte di Iran.

‘Djis pa pret’

Pero e paisnan cu el a menciona a duna solamente un reaccion cauteloso, y Araghchi, den un yamado cu su equivalente Frances Jean-Noel Barrot, a adverti nan pa “abstene di cualkier accion cu por causa escalacion y expansion di e conflicto.”

Ministerio di Defensa di Reino Uni no a compromete su mes, bisando: “nos ta actualmente discutiendo cu nos aliado y parehanan varios opcion pa sigura e seguridad di trafico maritimo den e region.”

Minister di Seguridad Energet-

ico di Reino Uni, Ed Miliband, a bisa BBC cu “e plan awor mester ta pa desescalacion di e conflicto... Nos ta papiando cu nos aliado. Tin diferente manera pa haci trafico maritimo posible.”

Corea di Sur a bisa cu e ta monitoriando comentario di Trump riba red social, mientras hefe di politica di partido gobernante di Hapon, Takayuki Kobayashi, a bisa cu e requisito legal pa manda barco di marina Hapones pa e region ta “extremadamente halto.”

Prijs mundial di petroleo a subi 40 porciento mientras Iran a restringi e ruta maritimo vital y a ataca blanconan di industria di energia y trafico maritimo den paisnan bisiña den e Golfo.

E atakenan tabata represalia pa e campaña aereo di Merca y Israel cu a mata su lider supremo, loke a causa un guerra den Medio Oriente.

Mientras e mercado global ta sufri e impacto, Trump a intensifica su posicion, bisando NBC News den un entrevista durante weekend cu e ta kere cu Teheran kier negocia pero cu



Merca ta sigui combati pa forza condicionnan mas favorable. El a bisa cu e talbes lo bombardea, di nobo, blanconan na e centro petrolero di Iran na Isla Kharg, “djis pa pret.” “Iran kier haci un acuerdo, y mi no kier haci esaki pasobra condicionnan ainda no ta bon suficiente,” Trump a bisa NBC News.

Araghchi, den un entrevista separa cu cadena Mericano CBS den programa Face the Nation, a nenga cu Teheran ta pidiendo un acuerdo.

“Nos ta suficientemente stabil y fuerte. Nos ta solamente defendiendo nos pueblo,”

Araghchi a bisa. “Nos no ta mira ningun motibo pa papia cu e Mericanonan, pasobra nos tabata papiando cu nan ora nan a dicidi pa ataca nos.”

Mas cu 1.200 persona a muri pa atakenan di Merca y Israel, segun cifra di ministerio di Salud di Iran cu no a por ser verifica independientemente.

Agencia di refugiado di UN ta bisa cu te 3,2 miyon persona a keda desplasa den Iran.

E Pentagono ta bisa cu mas cu 15.000 blanco den Iran a ser ataca pa forsanan di Merca y Israel.

ANUNCIO DI FAYECIMENTO

Cu inmenso tristesa hunta di Directiva & Management Team di Instituto Medico San Nicolas (ImSan)
tin e tristo deber di anuncia fayecimento inespera di:



drs. Joel Robert Rajnherc

Na bida Director di Instituto Medico San Nicolas (ImSan)

ImSan ta recorda Drs. Joel Rajnherc como un lider excepcional.

Durante su 14 aña di carera como Director, Drs. Joel Rajnherc a demostra su compromiso cu cuido di salud, especialmente cu ImSan y na bienestar di e comunidad Arubano.

E restonan mortal di Drs. Joel Rajnherc lo ta reposa diamars, 17 di maart 2026 for di:

- 10:00 am – 11:30 am na Instituto Medico San Nicolas
- 13:00 pm – 16:00 pm na Aurora Funeral Home na Cumana 76

Na luga di flor of krans un donacion pa Stichting Koningin Wilhemina Fonds lo ta altamente aprecia. Durante e ceremonia na ImSan lo tin servicio limita.

ImSan ta extende su mas profundo condolencia na su sra. Sandra Rajnherc -Ramirez (Sandi), su yiunan Cassandra Rajnherc (Sam), Joel Rajnherc (Riven) y demas famianan, ta desea nan hopi forza den e momentonan dificil aki.

Na mes momento ta extende un invitacion na tur stakeholders, coleganan, famia, amigonan y conocirnan pa asisti na e acto di despedida na ImSan pa asina rindi honor y homenahe na Drs. Joel Rajnherc.

Tambe tin disponibilidad di por pasa na ImSan pa asina firma e condoleance register na e entrada principal.

Cu Drs. Joel Rajnherc sosega na paz.
Su legado lo biba pa semper den nos memoria.